


KRISTO IWAKALIZIBYA

MU MAKKALO OONSE

 Ndaku lumba, mukwesu. Inga mwa kkala. Nincobeni langanya eci kuba coolwe cipati sunumasiku, kuba kokuno mu Louisville, Mississippi. Twa langila kumbele ku ciindi eci, kwa ciindi cikubwene, elyo Nda kayeeya kuti inga Nda sika ku Louisville. Ndili mutala buyo a mulonga kuzwa ku Louisville, Kentucky, ng'anda yangu ya bulenge. Ci boneka mbuli kuboola ku muunzi alubo, kuba mu Louisville.

Lino, kutala kuya, bamwi babo ba ciita kuti “Luavul,” “Louis-ville,” a “Lueyville.” Elyo Ta ndizi mbo cibede awa. Ndi yeeya kuti swebo, nzila mbotu maningi, nzila Nje ka ciita lyoonse, yakali Louis demille. Boneka mbuli L-o-u-i-s-inga lyaba Louis-ville. Pele, kujoka ku muunzi ngu “Luavul,” a “Lueyville,” a “Louis-ville,” aboobo tu bweza buyo kusala kwesu, oko nko tu yanda kubelesya.

I cintu cipati ngu, kuti, tuli bungene antoomwe mu Zina Iya Mwami Jesu. Twa bungana okuno ku bukanze bumbi pele ku Mu belekela, alimwi kuti Zina Lyakwe pati lilemekwe aakati kesu cindi twa—cindi twa . . . muswaangano wamana, kwiinda Mbo ukonzya, ikuti na kulakonzeka, mbuli Mbo cikonzya kuba lino. Tu lizi kuti tula Mu lemeka a moyo wesu oonse.

Elyo lino Nda boola awa aa kutambwa kwa bakutausi ba ceeci, mubusena kwiinda awa, a busena obu. Elyo Nse kaboola a cintucimwi candeene kuli mbabo; Makanimabotu ngaonya. Nda syoma, Jesu wakaamba lomwe, kuti, “I Bwami bwaku Julu buli mbuli muntu wakatola ii—ii kanyandi a kuya ku lwizi. Elyo cindi na kakawaala mukati, wa kajana misyobo yoonse.” Lino, nce ncoico nco tunjila mu kanyandi ka Makanimabotu.

Cindi muntu a waala kanyandi mu lwizi na ku lwizi, ta kazi eco ncayo zwa omuya. Nkaambo, wa kali kukonzya kuca krofishi. Elyo wa kali kukonzya kujana nswi zibwezelela. Wa kali kukonzya kujana basiluubilili, nzoka, a—a kufumbwa zimbi.

Pele, mbulizi bwesu bwa kuzela. Tabuli bulizi bwesu bwa kubeteka. Elyo Nda boola kubweza kanyandi kangu, ako Mwami nka kandipa, a kukabikka mu kanyandi ka baalumi aba, kuti, swebo, tunyandi tobile tula tambikizya buyo kulaale aniini kwiinda kanyandi komwe mbo kayocita. Aboobo, Nda kwela kanyandi kangu a ndinywe bakwesu awa. Nyoonse nobantu okuno, abo bazulilwa ku mabungano aya onse awa, Nda kajala kanyandi kangu a nduwe, ku kusowela mu lwizi awa, a kunjizya a kubona ikuti na Mwami ujisi bamwi—bamwi ansi awa abo

batana jatwa. Elyo akube kuti Makani mabotu mapati aa Mwami wesu Jesu Kristo alilizibya loko aakati kesu, mu masiku aya atobela osanwe awa, kuti tuyo bona boonse abo bata jatwa, ku bukkalo obu, inga bajatwa mu i—i kanyandi ka Makanimabotu, ku kubelesya kwa Simalela.

Lino, swebo, eci tacikonzyi kucitwa cilikke. Ceelede kucitwa a kubelekela amwi a mupailo, a toonse swebo antoomwe, kusangana a kubikka myoyo yesu antoomwe, a kukomba.

Elyo lino twa botelwa kujatikizya lubukulussyo lwa myaka ili kkumi ayosanwe, kwalo kweendelana ku makani aakale takucikwe lubukulussyo lwakatola ciindi cilamfu, ku kuziba kwangu. Kanji, lubukulussyo lukkala kutandila myaka yotatwe, mpawo lwa mwaika. Pele kusyoma kuti olu ndumwi lwa lubukulussyo lupati lwamamanino olo inyika ndoiya kutambula, elyo caka boola mu bukkalo bwamamanino, bukkalo bwa Laodikeya, ku mamanino aa bubanze bwa Pentekoste. Elyo Nda syoma mbungano lino iyo njila mu kukasaala kwayo, mbuli Bbaibbele mbo lyakaamba kumbele. Elyo tu bona buyo kujata kwa cibeela camamanino, cindi twa bona zintu kazicitika mbuli mbo zyakali kucitika mu inyika, mu mazuba masyoonto ainda.

Kupa mukozyanyo, muzuzumo wanyika mupati mu Alaska. Taakwe nokwakali muzuzumo wanyika mbuli oyo, mu nyika yoonse. Sena mwakabona? Ca kaboola Bwasanu Bubotu. Nywebo mulizi, ciindi camamanino inyika niya kazunganisigwa yakali ali Bwasanu Bubotu, ayalo, cindi Simalela wesu nakafwa, nkabela caka zunganya nyika yoonse. Elyo amuyeeye, inga caba citondezyo Cakwe cakubweeda. Wa kati kuyooba mizuzumo wanyika mu masena ansininsini. Sunu tu jisi umwi umbi mu California, alimwi bali mukulibonya buyo koonse, mumuni mizuzumo wanyika. Tula bona, nobuba buyake bwa Mupati bwa kazwa mu busena bwa mbubo, a kupiluka. Elyo—elyo kumusanza okuno mu Baton Rouge, Louisiana, kuli ciziba cakusambila okuya, kazapula meenda, kuzwa kulaale ku Alaska. Kuya mu Switzerland, Sweden, a kwiinda omuya, kazunganya mayake a zintu, koonse ku nyika.

Nda syoma kuti cisola kujula meso esu, kubona oora ndyo tupona. Ndili waano mu kuyoowa kwa buleza, kuti, inga caba cainoino kwiinda mbo tuyeeya, kulibonya Kwakwe.

Elyo mukwesu a mucizi, akwalo ku bantu bakubusyi, atu bikke kusinizya koonse nko tukonzya. Olu inga lwaba lubukulussyo lwa mamanino ndo tuyo sola kujanika, alimwi inga tii twa manizya muli olu lumwi, kusikila ku Kuboola Kwakwe. Ndila Mu langila sunu. Ikuti na Tako sunu, Ndino Mu langila juunza, ikuti na Ndili waano. Elyo Nda kali ku Mu langila lino, kuzwa ni Nda kamvwa kujatikizya Nguwe kabweeda, alimwi eyo yakali myaka ili makumi otatwe aitatu yakainda cindi Ne kapa moyo wangu kuli Nguwe. Nda kali

kunze Iya cikambaukilo, myaka ili makumi otatwe aitatu, kusola a kwaambilizya buvubi Bwakwe butaambiki bwa bulemu Bwakwe. Elyo Ndi syoma kuti Leza uyo liyubununa Mwini maningi akati kesu, kuti sikutasyoma aumwi uyo futulwa, a balwazi boonse bayo ponesegwa, a basalali ba Mwami, Bana Bakwe basyoma, bayo sumpulwa mu i—mu Muuya.

Ii lubukulusyo ta Iwaambi kuba a mamembala mapya. Ndwa kubukulusya eco nco tu jisi kale. Mwabona? Ndwa kubukulusya.

Nda kaima, ciindi cimwi cainda, a kulangilila mayuwe aa Lake Michigan, kubona, kaimvwi awo, kumane lubukulusyo lupati mu Chicago. Nda kabona i—i mayuwe, nzila mbwa kali kunjila, kufuta buyo kupati kwa Iwizi, kufumpa buyo mukati aanze. Nda kayeeya, nywebo mulizi, cila ndiyeezya Iwiimbo, “Kupaya kwa lutangalo ku buntu bwangu, mbuli kupaya kwa Iwizi kalupumbulika.” Elyo mayuwe akatalika kubusena bumwi, kuya mu Iwizi na mu Iwizi. Elyo mbuli mbwa boola, ala indila mu nguzu, ciindi coonse. Mpawo, kumalekelo, auma nkomwe; kuunka buyo, kuyo njila alubo.

Eyo nje nzila mayuwe aa bulemu bwa Leza mbwa cita. Ala boola mukati, mbuli buyo—mbuli buyo kumpumbulika, alimwi a alimwi, kusule a kusule, a konse akonse, mayuwe aa lutangalo Iwa Leza ala pumbulika kwiinda mu buntu bwesu.

Nda libuzya, “Ino cigwasya nzi kuli ceeco? Ino cigwasya nzi kubilauka meenda koonse akoonse?” Bulenge buli jisi nzila yaku limamela bwini.

Mbuli buyo bantu, lino, cindi wanooli mu mbungano yako a beembeli bako, cindi wano jisi ciiyo ca kwiiya Munsondo na—na cintucimwi mu mbungano yako. Ndiza kwiina kubotelwa kucitika, na—na cintu cigambya. Pele, nekubaboobo, kuli buyo Leza mbubonya mu moyo wako mbuli uliko cindi nosotoka mujulu aansii na koongolola.

Nda kayeeya, “Nkaambonzi ncoba cicitila?” Kaambo nkakonya Leza nca jisi, lubukulusyo, nke kaambo keni Nca bikka lubukulusyo aa Iwizi, lubikka lubukulusyo mu Iwizi. A maanzi, kafwacauka atala ansi, agusya mankwishita kuzwa mu maanzi, akwa waalila atala Iya nkomwe. Elyo Ndi yeeya kuti eco ncintu cibotu, cakuti tu jisi lubukulusyo, a kubaanga nku gusya malweza oonse kuzwa kuli ndiswe, alimwi yonse ii—ii—ii inyika, kufwacauka kwaagusya, a kwa waalila aa nkomwe, kutegwa meenda akonzye kwaanguluka kuli ayo.

Lino, sunumasiku, musyobo wa . . . Ciindi citaanzi Ne kasola kuba kokuno, elyo nekubaboobo Nse limvwi mbuli kuti Ndili mweenzu akati kanu. Nseli—Nseli obo. Ndili munyoko. Elyo Mebo—elyo Mebo, mubwini, bupya bwa kuziba buyo umwi aumwi. . . Antela, bamwi banu, Ndi lizi Nsena bwene. Antela tona ndibona. Elyo Iyoonse kuli kulimvwa oko kuniini kwa kujatitsya kuti yebo buyo. . . Nciyumu. Elyo tu buyo. . . Cili buyo

mu nzila eyo, eno, masena oonse. Ndili mukupanga, kutalika mu lweendo lwangu lwa lusele koonse ku nyika. Elyo Nda—Nda—Nda cijana, koonse, takukwe makani awo mpobede.

Pele cindi wajana bantu Banakristo, oko Muuya Uusalala nkoubede, takukwe makani eco cisi, obo kulaale mu zisaka, na kufumbwa mbo cibede, bala cita cintu nciconya nco cita cindi watambula Muuya Uusalala. Bala cita buyo cintu nciconya. Ba jisi bulubusi mbubonya, bala cita. Bala syoma mu nzila njiyonya a kulilemeka nzila njiyonya eyo Munakristo uuli oonse nja cita cindi atambula Kristo.

Pele, omuya, mula kujana kujatisya oko. Elyo, Ndi yeeya kuti, busiku butaanzi nciindi cibotu kubaanga nkuzibilana. Elyo mpawo, lino, mpawo, mbuli muswaangano mbo uzwidilila a kuzumanana, mpawo tuyo zibilana maningi kuli umwi aumwi kwiinda mbo tubede lino. Pele, cakufwambaana loko tula zwa kuli ncico, baa, ncibotu loko tuyo oba.

I Muuya Uusalala ula bunyonganye, maningi, bunyonganye maningi. Elyo—elyo awo mpo jisi sikutasyoma omwe na sikudonaika kakkede koonse, Muuya Uusalala tau konzyi buyo kubeleka, nokuceya. Amuyeeye, Jesu wakasololela muntu kulaale kuzwa mu dolopo, kuyo muponya, ciindi cimwi, ku mugwisya kuzwa ku kutasyoma. Wa kaboola mu munzi Wakwe Wini, eyo Bbaibbele lyakati, “Elyo milimo minji yanguzu Ta kakonzya kucita.” Ta tuyandi ku ciyeeya mu nzila eyo, pele Bbaibbele lyakati Ta kakonzya kucicita. Mwabona? Ta konzyi kucita cintu kulwana buzumini bwako. We elede ku cisyoma.

Umwi waka ndaambila, ziindi zinji, kaamba, “Mukwesu Branham, Ta ndikwe makani eco ciyo citika; Nse Ci syomi.” Ee, Tii cakali ku muntu oyo.

Ta cili kuli batasyomi. Nca basyomi biyo, abo basyoma. “Zintu zyoonse zilakonzeka kuli baabo basyoma.” Batasyomi taba jani cintu. Elyo aboobo taba—taba syomi buyo cintu, aboobo taba jani cintu. Ikuti na bajisi buyo lwiyyo lwabukombi lutontola, nce ncico ncoba jana. Pele abo basyoma muli Leza, a kusyoma kuti Jesu Kristo ngwa kasimpe buyo mbuli sunu mbuli Mbwa kabede lyoonse, nce ncico ncoba tambula. “Kweendelana buyo ku lusyomo lwako, akube kuli nduwe.”

Elyo mpawo omuno, Ndali kuyeeya kuti inga Nda pa, sunumasiku, eco nco tusola kucita.

Lino, Nda yeeyela, mukuba kuti eyi ngu Pentekoste yakagwasilizya, kuti bunji omuno mbantu ba Pentekoste. Elyo mpe mpawo Mpe kawaala caabilo cangu, nekubakuti Nse kasangana mbungano ili yoonse ya Pentekoste, alimwi taakwe mbungano imwi. Nse jisi kabungwe kali koonse, kabungwe kamwi. Elyo, mukasimpe, Nseli maningi kuli nkako. Bala konzya kuba akufumbwa ncoba yanda. Pele amu leenge

mindando, nywebo mwabona, alimwi Leza—Leza tayandi minyinza iyakidwe mu Mbungano Yakwe.

Cindiyezya mulombwana, ciindi cimwi, kajisi madakisi amwi, elyo wa—wa katenda mababa abo kutegwa kaba takonzyi kuuluka kuzwa mu caanda. Wa kajisi madakisi amwi ku lubazu lomwe, a madakisi ali lumbi. Maanzi akatalika kunjila. I cintu citaanzi mulizi, maanzi akatanta aatala maningi a maningi, nkabela madakisi akaboola antoomwe mpawo. Mwabona? Nce ncico nco tu yandikana kucita. Ailekwe meenda ainke mu kubuka, elyo mpawo madakisi alaboola antoomwe, nywebo mwabona, mpawo. Elyo toonse tuli mu maanzi ngaonya. Aboobo, zisinkila zya tubungwe inga zyaibuka, ikuti na twa lekela buyo maanzi kulampa cakusakana.

Mbuli muntu waka jisi muunda wa maila. Ii mulombwana wakazumanana kwaamba. . . Wa kali jisi mu muunda omwe, masamu kuzwa munzila *eyi*; umwi umbi nzila *eyi*. Elyo aboobo mulombwana kauluka atala, cifumo acimwi, wakali kunga walanga ku muunda oyo wa maila. Wa kati, “Sa oyo tali muunda mubotu wa mapopwe *awa*, a umwi *awo!*” Mapopwe naka mana kusika atalamaningi aniini, katambikizya nzila yonse ku lubaya, akali kuboneka mbuli muunda omwe. Aboobo Ndi syoma kuti ciba boobo okuno, cakuti tuli Bwami bwa Leza, bomwe bupati bwa muunda wamapopwe waku moyo a moyo.

Lino, bukanze bwesu.

Lino, ziindi zinji, bantu balaamba, “Mukwesu Branham, musilisi wa Buleza.” Peepe. Eco cili lubide. Kuli musilisi omwe biyo; oyo ngu Leza. Taakwe musamu uli musilisi, taakwe dokotela oyo musilisi. Taakwe dokotela mubotu utaminina kuba musilisi. Elyo ikuti na wacita, mpawo walo—walo—walo ukwaambila cintucimwi cilubide.

Nda kabuzigwa buzigwa kuli Mayo Brathers, elyo ba kati, “Ta twaambi kuponya baciswa, Ba. Branham. Tu taminina buyo kugwasya bulenge. Kuli musilisi omwe; oyo ngu Leza.” Elyo obo mbo cili cibotu!

Inga wa tyola kuboko kwako; dokotela inga wa konzya ku cibikka. Pele ta kakonzya ku kuponya, nkaambo ta jisi cintu ca kuponya. Inga wapanga tishu. Dokota inga walijwa linyo na kutenda tumbo, pele nguni uya kuponya? Mwabona, Bbaibbele tali lubide. I Bbaibbele lili moonya mu Ijwi lyoonse. “Ndime Mwami Oyo uuponya malwazi anu oonse.” Oonse! Taakwe umbi! Taakwe kasimpe. Tabana kujana cintu cipanga tishu. Ba jana misamu eyo njo bakonzya kuba a tuzunda tujaya, kusikila—kusikila maambani akajatana antoomwe. Pele, citola Leza, kuponya. Leza ngo musilisi alikke oyo uliko.

Aboobo, Bbaibbele ndya bwini caculondoka. Alimwi nce ncico nco twiimina: Bbaibbele. Lyeede kuba MBUBOBU MBWAAMBA I MWAMI. Lino, tula syoma kuti Leza inga wacita

zintu ezyo zita lembedwe mu Ijwi Lyakwe, nkaambo Ngu Leza. Ula cita kufumbwa Nca yanda. Pele, nekubaboobo, Nda yanda kubona cintu cili coonse, cindi caboola mu nzila ya njiisyo, kuzwa mu Bbaibbele. Nkaambo, Ndi syoma kuti Bbaibbele nciyubunuzyo cizwide ca Jesu Kristo. I Bbaibbele iyakati obo Mbo cibede. Calo nciyubunuzyo ca Jesu Kristo. Alimwi taakwe cintu ceelede kuyungizigwa kuli Ndilyo, na kufumbwa cintu kugusigwa kuli Ndilyo. Aboobo, Ndi yanda kukkala ncobeni muli ceeco Nco lwaamba a ceeco Nco usyomezya. Ikuti na Uyo cita buyo eco Nca kasyomezya, nku koonse Nkwe bikkila maanu kubona, nekuba. Mpawo Ndi lizi Ndiyo Mu bona.

Lino, muli ceeci ta tusoli kwaamba kuti tuli banji mu kuponesegwa kwa Buleza, nkaambo kuponesegwa kwa Buleza nciniini. Alimwi tokonzya kwambilisisya cipati ku ciniini. Pele kutandila mapeseenti ali makumi ali lusele acisambomwe, Ndi yeeya kuti caka yeeyelwa, ku mulimo wa Jesu, wakali aa kuponesegwa kwa Buleza. Wa . . .

Mbuli Dr. Bosworth mbwakali kwaamba, ma . . . Umwi wa balongwe bangu wakazwaa kuunka ku Bulemu, myaka misyoonto yainda, kutandila . . . mukuba kutandila myaka ili makumi ali lusele ayone yakukomena. Wa kati, “Kuponesegwa kwa Buleza ngu namola uli aa kalobo ka nswi. Elyo to tondezyi nswi kalobo. Wa mutondezya namola, aboobo ula bweza namola a kubweza kalobo.” Aboobo, obo, obo mbo cibede. Tu yanda kujata nswi zya bulemu bwa Mwami; kuba kwempa kuzwa mu inyika, akubaleta mu Bwami bwa Leza.

Elyo aboobo, kuponesegwa kwa Buleza, cintu cipati nkuponesegwa kwa Buleza kwa buntu. I Mubili wa Kristo, Uyandika kuponesegwa kubija kwiinda cintu cili coonse Nce zyi, walo Mubili wa Kristo. Ca kanyonganisigwa loko kwiinda ku lwiiyo lwa zyakombi ilwa bantu a kwiimpana kwa tubungwe, kusikila Ngu Mubili uuciswa. Elyo Nda—elyo Nda mwaambila, Ci—Ci yandikana kuponesegwa, kuponesegwa kupati. Aboobo Ndi—Ndi syoma kuti Mwami uyo cita cintu cipati ku kuponesegwa kwa cibeela Cakwe ca Mubili oyo uuli mukati muno.

Tula syoma kuti kuli imwi, Mbungano yomwe. Elyo ta tu I sangani. Muvulo ucilila, Njo oba myaka ili makumi osanwe ayosanwe yakukomena, nkabela mukwasyi wa Branham tiiwa kandilomba kusangana mukwasyi wabo. Nda kazyalwa nkeli muna Branham. Eyo nje nzila—eyo nje nzila Mbwe bedede.

Lino, eyo nje nzila mbo tuli Banakristo. Twa kazyalwa kuba Munakristo. Elyo tou sangani. Wa kazyalilwa muli nguwo. Mpawo ula bweza ciimo ca Kristo.

Lino, tula jana akwalo kuti, muli ceeci, bantu banji okuno mu America, kapatu, abo baka yiisigwa. Tu jisi ciyanza, na, i—i Mwami waka mulailila, aboobo ncibotu, ca kubikka maanza aa

balwazi a kuba kombela. Oko kwakali kulailila kwamamanino ku mbungano. Eco ncibotu loko. Elyo caka bwezwa, mucindi ca makkalo. Ciindi coonse lubukulusyo nilwa kapasuka mu bukkalo buli boonse, kwakali kuponesegwa kwa Buleza a nkuko, a cigambyociinda ca Leza.

Elyo lino tu jana kuti, mu bukkalo obu, a kusoleka kwangu, eco Nce sola kuzwidilila, nceeci. Kwakali kunji loko mu buzuba obu bwamamanino, kwa bantu abo bakambauka kuponesegwa kwa Buleza, ba kabikka bulemu bunji loko muli nkuko, kuti kula kupa kubotelwa bubi kumbele lya buleya. Ca kali, “Alelekwé Mwami! Mukwesu *Niini-a-niini* wakabikka maanza ali ndime, a, alumbwe Mwami, Nda kaponesegwa.” Lino, ikuti na Nda konzya buyo kusotoka eco!

Ikuti na muntuumwi wakonzya kuti, “I Mwami Jesu waka ndibamba kuba kabotu,” obo bubotu maningi mbo ciyooba, nywebo mwabona. Aboobo, a mulimo muniini oyo Mwami ngwa kandipa, uli mukusola ku Mu njizya mu busyu bwako, kuti inga mwa bikka maanza anu ali Nguwe, Cituuzyo canu, a kuponesegwa. Ta kuli kunji loko kwa kubikka maanza. Kwalo, tula cita, toonse. Tula komba a kubikka maanza aa balwazi.

Ta tu ponyi bantu. Ba kaponesegwa kale. Muntu oonse waponesegwa kale. Mbangaye basyoma boobo? Lino atu bone obo mbunga yesu mboya kayiisigwa. Kuli tuu theedi yabo iku syoma, nekuba. Lino, kuti, “Wa kayaswa nkambo ka nsotoko zyesu; ku mibunda Yakwe twa kaponesegwa.” Bube boonse obo mbwa kafwida, ku Kalivari, nzi zyesu kuzwa ciindi eco kuyabuya, zintuzyonse Nzya kafwida. “Wa kayaswa nkambo ka nsotoko zyesu; kacuzaulwa nkambo ka milandu yesu; kukomwa kwa luumuno lwesu aali Nguwe; a mibunda Yakwe twa kaponesegwa.” Twa *ka* ponesegwa, calino.

Sizibi oonse waka futulwa. Kuzwa buzuba obo Jesu mbwa kafwa aa ciingano, Wa kajatila zibi zyoonse zya muntu.

Lino, Leza walo mupati—ii mupati. . . mbuli Cilenge cipati. “Ku matalikilo Leza. . .” Mwabona? Tu. . . Ta kali Leza akwalo, kuzwa kumatalikilo. *Leza* walo “ncintu cikombwa.” Elyo Wa kaitwa. . . Kwakanyina cintu, caku komba. Wa kali sikulibeda mwini Elohimu, alimwi kwakanyina cintu caku Mu komba. Cindi Na kalenga Baangelo, mpawo kwakali cintucimwi caku Mu komba.

Pele muli oyu Leza mupati, Elohimu, kwakali bube. Kwakali bube omuya bwakuba Leza; bube bwakuba Taata; bube bwakuba Mwana; bube bwakuba Mufutuli; bube bwakuba musilisi. Bube obu boonse bwakali muli Leza. Elyo ikuti na wakasola kuba a Buumi Butamani, wakali mu bube bwa Leza, nkaambo ujisi Buumi Butamani. Jesu wakasika mbuli Munununi. Elyo *kunununa* caamba “ku cijosya oko nko

cakatalikila.” Yaa. Wa kali mu kuyeeya kwa Leza. Kwayanda waka tintanya *ceeci* kuli *ceeco*, a kuyaansi *awa* a kuyaansi *awa*.

Mbuli muntu upanga makani a mbungano; ubikka mukuba munji boobu a butale bunji boobu, a kububikka buyo mu nsakizi ili kabotu. I sikubumba ulizi nzila ya kucibikka mukati. Ikuti na taciti, ta jani kabalo kaluleme.

Elyo Leza ulizi ncobeni awo mpo zulilwa, a bukkalo mbo zulilwa. Elyo, nkikaako, ikuti na ujisi Buumi *Butamani*; bbala *Butamani* calo “cintucimwi cata kajisi kutalika, na cita konzyi kugola.” Aboobo, kufumbwa na nduweni, mwabona, mbo kabede, mbo kabede lyoonse. Wa kali bube bwa Leza kabu—kabu tondezegwa, ii—ii Ijwi. “Ku matalikilo kwakali Ijwi.”

Elyo ijwi muzeezo wayubululwa. Mula ciyeeya, mpawo ko caamba. Mbuli Mbwe konzya kwaamba, “I mumuni.” Nda kacita kuyeeya “mumuni” ka Ndi tana kwaamba “mumuni.” “Maikrofooni,” weelede kwaamba . . . koyeeya “maikrofooni,” ku kwaamba “maikrofooni.”

Elyo tuli bube bwa Leza bwakatondezegwa.

Elyo Ndi jana kuti, Ndi jana misela yobilo ya bantu mbuli mbo yeenda. Umwi wabo ngu basimbaakani, alimwi umwi ngu ba Pentekoste. Lino, ba Pentekoste bajisi cintucimwi, pele tabazi kuti mbaani. Elyo basimbaakani balizi cintucimwi, pele taba jisi cintu ancico. Aboobo lino, awo, cili buyo mbuli muntu ujisi mali mu nkomwe, nkabela takonzyi kulemba cceki, umwi umbi inga walemba cceki, ta jisi mali mu bbanki, ikuti na wakonzya kusola kubikka cintu eco antoomwe, inga caba—inga caba cintu cipati.

Pele, lino, mu busyu bwa ceeci, nzila mbo tusola kubweza muswaangano, ngwa ndinywe, yebo mbuli mugame, ku kubula kwako muli Kristo. Lufutuko, kuponesegwa kwa Buleza, na kufumbwa nco bulide, nku, ku lusyomo, kuziba kuti uli mu Busyu bwa Kristo, alimwi ku lusyomo ula sika a ku bujana. Nkambo, eyo nje nzila ilikke njo muyo sola ku cijana. Nku . . . Ku lusyomo tula futulwa. Ku lusyomo tula ponesegwa. Mwabona? Taakwe cintu eco Leza ncaelede kuseluka a kucita alubo; Wa kacicita kale.

Aboobo, nywebo mwabona, cintu coonse ngu—ngu, Leza ulabunganye. Kutu, aa Buzuba bupati obo bweelede kusika, cindi Kristo aa cuuno cabwami ca Davida a kulela mu Mileniamu, ngu Leza, ulabunganye, mu nyika.

Uli muli nduwe lino. Uli bube Bwakwe. Ikuti na ujisi Buumi *Butamani*, buumi bwako lyoonse bwakali obo. Elyo wakali kuyeeya kwa Leza: mubala wa masusu, kufumbwa mbobede, wakali kuyeeya kwa Leza, nkabela wakacita kuba mu mubili.

Elyo obo Leza mbwa kabede cindi Na kaba cintu muli Kristo; Leza, wakatondezegwa, katondezegwa mu mubili wabuntu, muli Kristo. Wa kaba cintu; Leza oyo ngo tukonzya kuguma.

Timoteo Mutaanzi 3:16, “Kakutakwe lukazyo, makani mapati aasisidwe aa buleza: nkambo Leza waka tondezegwa mu mubili wabuntu.” Mwabona? Mwabona? Wa kali Leza mu kuyubululwa, kulibambila.

Lino, mpaawa mpo tubede, mu ciimo eci, tu cili negativu. Mbuli kukkopa cifoto ca cintucimwi, a kuciluma. Leza waamba, “Uyooba a masusu asiya, meso aabbulu, a zimwi zimbi. Uyooba eci, eco, na *cimbi*.” I cifoto calembwa, musela utandila myaka ili makumi obilo yakukomena, makumi obilo ayobilo.

Mpawo lufu lulatalika, ula talika kufwa aansii. Takukwe makani kunji nkolya, obo kabotu mbo josya cakulya mu mubili wako, kubamba maseelo aa bulowa, uli mukufwa. Elyo kwiina munasayaansi mu inyika ukonzya ku cipandulula.

Wa katila maanzi kuzwa ku cijaa, kutila mu gilazi, ya zula cisela; mpawo kuzumanana buyo kutila, ula selemuka. Ino kujatikizya ceeco?

I cakulya ncolya cipanga maseelo aa bulowa. Maseelo aa bulowa alayaka mubili wako. Ciindi conse walya, ula bukulusya buumi bwako. Cindi nookali amwaka omwe wa kukomena, kuya bukomena, kuya bukomena kusikila wakaba aali makumi obilo aibili. Elyo mpawo, lino, mulya cakulya nciconya. Ndi lya cakulya nciconya Nce kacita aa sikisiitiini. Ali ili kkumi acisambomwe, ciindiconse Nda lya, ciyaka milambi a kukomena a kuyuma. Nda kasima. Elyo mpawo kumane kusima kumaninina, Ndi lya cakulya nciconya, a kabotu, a kunji kwa ncico, alimwi Ndiya bucembaala loko a kukompama, ciindi coonse. Pele ciindi coonse Nda bukulusya buumi bwangu, mpawo inga Nse fwa. Mwabona?

Pele Leza wakabamba cipangano, nkabela muntu weelede kufwa a kulanganya Lubeta. Elyo muyo bamba cipangano eco, beenzuma. Amuyeeye buyo eco. Elyo kuciindi notuli ano, sunumasiku, tu yanda kuyeeya zintu ezyo, kuti tweelede kuswaana cipangano eco. Inga kwaba banji bayoima a kuzwa, pele abo mbe mbabo masimpe, umwi aumwi, kuyo swaangana. Elyo lino, muli ceeco, calo ncipangano eco Leza nca kalenga a muntu. Oyu mubili weelede, nkaambo ucili negativu. Ulendelezegwa ku lufu.

Aboobo, Ula jana Muuya Uutamani, bube Bwakwe bwatondezegwa mu mubili oyo, mpawo, mbuli cifoto cili coonse mu ciimo caco ca cimvule, ciinka mu kaanda ka mudima. Omuya cila sanzigwa. Cila zwa kacili cifoto cilondokede. Elyo tu njila mu kaanda kamudima, pele kuzwa negativu niya kamana kuba cifwanikiso cilondokede, mu cinkozya ca Kristo. Tula njila mu cuumbwe ca mudima, mu kaanda ka mudima kukusanzigwa. Citala lufu ku cisanzya.

Mbuli buyo mbo citola lufu, kuli lwako, ku kusanzya cifoto ca cinkozya ca Kristo, buumi bwa Kristo muli nduwe. We elede

kuli sowa lwako, kutegwa Kristo akonzye kunjila. We elede kufwa kuli lwako.

Mbubonya buntu bwako bwakunyama bwafwa, ku kubumbwa akubumbwa mu cinkozya Cakwe. Pele kucili bube obo butakonzyi kunyonyoonwa. Ta cikonzyi kunyonyoonwa. Ngu Leza, ku matalikilo. Ngu Leza aatala lyesu, Leza uli andiswe, Leza muli ndiswe. Elyo mbube boonse bwa Leza: Buumi Butamani ku bana ba bantu.

Lino atu kombe.

Oyandwa Taata Wakujulu, twa komba sunumasiku kuti Uyo tulongezya a kujana bulemu kuzwa ku kubungana kwesu antoomwe. Twa tuula buyake obu a masena, kulibikka lwesu ali mbubo a kwiipa kuli Nduwe, mbuli cipaizyo, Mwami, nkambo ka lulemeko lwa Zina Lyako. Ko cipa, Mwami. Longezya zintuzyonse nzo tucita. Akube kuti cibe ku lulemeko Jesu Kristo, a ku Mu leta kasimpe kapona akati ka bantu.

² Elyo cindi miswaangano yamana, nkabela tuzwa ku miswaangano eyi a kuunka ku maanda esu, akube kuti twaambe mbuli baabo bali kkumi afuka-. . . myaka yakainda, eyi Pasika yamamanino, cindi nibakali kuzwa ku Emau, cindi Na kalibonya akati kabo a kucita cintu nciconya eco Nca kacita kakutanaba kubambulwa Kwakwe. Wa kali Mwami wakabuka, nkaambo Wa kacili kuliyubununa Mwini mu zintu nzyoonya Nzya kacita kakutanaba kubambulwa Kwakwe, a meso abo akajuka nkabela baka Mu ziba. Leza, akube kuti twaambe sunumasiku, kumane myaka ili cuulu amyaanda ya fuka, cindi notuli mu lweendo lwesu kujokela ku muunzi, sunumasiku, akube kuti twaambe, “Sena myoyo yesu tiyali kupya muli ndiswe mbuli Mbwa kakanana kuli ndiswe mu nzila?” Akube kuti Ali zibye Mwini sunumasiku, akati kesu, Mwami, mbuli Mwami wakabuka, ulibambilide kubweeda ku Mbungano Yakwe. Twa cilomba mu Zina lya Jesu. Amenii.

³ Busiku abumwi, kutegwa tubambe cintu mu ncililano, twa boola kuzo kombelwa; Mukwesu Borders, na—na mwana wangu, Billy Paul, umwi wabo, kuyooba okuno mangolezya oonse, kutandila—kutandila oora miswaangano kaitana talika. Alimwi baselemuna makkadi maniini ajisi manamba ali ngawo. Oyu mulombe uyo bweza makkaadi aya a kwaasanganya, moonya mukati, kumbele lyanu. Mwabona? Aboobo, kuti, elyo mpawo ku kupa kkaadi, kufumbwa limwi ndo yanda. Cindi Ne kaselemuka masiku, busiku abumwi. . . Eco cipa mweenzu, buzuba abumwi, ii—ii coolwe ca kujana kkadi lya mipailo.

⁴ Mpawo busiku abumwi, kutali banji loko bayosika aa cibumbili ku ciindi, pele Njo leta banji loko kuzo kombelwa. Inga basika, kutalikila kuli umwi alya, ngu foo, kutondezya kuti mulombe wavozya makkardi, na kusambala kkaadi lya mipailo kuli nduwe, eco cियो kutondezya kuti uyo njila mu mundando wa

mipailo. Ujisi ciindi nciconya, nkaambo makkaadi ali nyongene, kumbele lya bbunga.

⁵ Cintu cimbi ncakuti, kutegwa Ndi konzye kutalika kuzwa ku busena buli boonse. Inga ndatalikila kuzwa ku fifite, kusika kusule kuzwa ku theeti, kuya kunembo, na kuzwa. . . Mpawo ziindizimwi Ndi bala na mbangaye bali mu mundando oyu, a kucaabaula ku muncali oyu, azimwi zimbi mbuli ezyo, kujana mweelwe. Elyo ziindizimwi kubweza mwana muniini, a kubeteka kujatikizya musela wakwe, na mwaalumi umwi na mwanakazi, na cintucimwi mbuli ceeco, nywebo mulizi, na kufumbwa cintu ciboola mu mizeezo yangu. Nkikako, kwiina naba omwe uuzyi awo mundando wa mipailo mpoutalikila, nkabela eco cipa muntu aumwi coolwe. Mpawo, ku mamanino, boonse antoomwe, twa kombela muntu oonse oyo ujisi kkaadi. Aboobo tu. . .Jatilila buyo kkaadi lyako.

⁶ Lino ziindi zinji, mu miswaangano, kuti bantu taba siki akwalo ku cibumbili. Ikuti na umwi nkwali awa, oyo wakasola kuba mu muswaangano; kuli bali kkumi okuya bakaponesegwa cindi omwe aponesegwa aa cibumbili.

⁷ Citola lusyomo. Takukwe makani awo mpo cibede, weelede kukkwanya lusyomo olo. Kwa mana. Elyo lusyomo tacili buyo i—i kaano kabuyo, cintucimwi buyo nco yeeyela. Ncintucimwi ncozi. Mbo mbubo.

⁸ Elyo lino Ndiyo mubuzya, lino, mbuli mbo tu jula lino ku kubala kwa Lugwalo, sunumasiku. Tuyo bala kuzwa mu Bbuku lya—kuzwa mu Bbuku lya ba Hebrayo, sunumasiku, elyo lino cindi twaima kubala Ijwi. Tula ima cindi twa syomezya busyomesi ku ndembela, nkabela tula—tula imikila mu lulemeko lwa zitondezyo zyesu zyoonse zya cisi, zimwi zimbi, aboobo atwi imikile kuciindi notu bala Ijwi lya Leza. Sa mula cita? Bahebrayo, cipati 13, kampango ka 1 kusikaku 8.

Amulekele luyandisyo lwabunyina luzumanane.

Muta. . .kusangabalisya beenzu: nkambo kuli bamwi baka samausya baangelo cakutaziba.

Amu bayeeye abo bali mu bwaange, mbuli baange a mbabo; a balo bali mu mulao, mbuli kuba lwanu akwalo mu mubili.

Lukwatano lula lemekwa muli koonse, alimwi bulo butasofweede: pele basibwaamu a basimamambi Leza mbayo betesya.

Amu lekele mibandi yanu bubule kweemuzya; a kukkutila mu zintu nzomu jisi: nkambo wa kati, Nse kamusiyi, nanka kumu lekelezya.

Kutegwa inga twa amba acamba, I Mwami ngu mugwasyi wangu, . . .Nse kayoowi eco muntu ncayo ndicitila.

Amu bayeeye abo bajisi bweendelezi kuli ndinywe, abo baka mwaambila ijwi lya Leza: bala lusyomo ndo tutobela, kulanganya mamanino aa mibandi yabo.

Jesu Kristo mbobuca nguwenya, . . .ku buzuba, a muya myaaka.

⁹ Atu kotamike mitwe yesu. Mwami Jesu, bamba kasimpe kuli ndiswe, sunumasiku. Kutali buyo kubala kwa Ijwi, pele akube kuti Ijwi libe mu mubili wabuntu akati kesu. Nkambo twa cilomba mu Zina lya Jesu. Amen.

Inga mwakkala.

¹⁰ Mbuli mbo tu kanana kwa kaindi buyo kaniini, alimwi busiku abumwi tuyo sola kuzwa aa naini theeti, ikuti—ikuti na kulakonzeka. Ndi yanda kulumba basikugwasilizya bangu, alubo, a bantu abo batu lekela kuba a busena awa, i masena, zintu zyakutondezya, na kufumbwa mbo zibede. Tuli lumbide kapati. Lino, lino muli nkamu buyo mbotu ya kwaambaula nkuko, alimwi Nda konzya buyo kwaambaula kwa ciindi cilamfu, pele Nse yandi ku mukwata. Busiku abumwi, kutandila maminiti ali makumi otatwe; sunumasiku ciyooba ciindi cilamfu nkaambo ka kuba busiku butaanzi.

¹¹ Ndi yanda kukanana aa ciyo sunumasiku ca: *Kristo Iwakalizibya Mu Makkalo Oonse*. Nkaambo, Bbaibbele lilaamba, “Ngu mbobuca nguwenya, sunu, amuya myaaka,” a kulizibya kwa Kristo mu makkalo oonse.

¹² Lino sena mwakabona awa, Lugwalo lwaamba awa, kuti, “Amuyeeye abo bajisi bweendelezi kuli ndinywe; kulanganya mibandi yabo, nywebo mwabona. Ku mamanino aa kusanduka kwabo ngu Jesu Kristo mbobuca nguwenya, sunu, amuya myaaka.”

¹³ Bantu banji loko bajisi mizeezo yandeene ya Kristo. Mbuli Mbwe enda mu—mu zibeela zyandeene zya cisi, a kuzunguluka inyika, Ndi jana kuti bantu banji loko bajisi mizeezo yabo yandeene. Inga wagambwa kuziba mizeezo yabo imwi mboibede. Bamwi babo bayeeya kuti Walo mwiyi buyo mubotu. Ee, lino, Wa kali—Wa kali boobo. Obo mbombubo ncobeni. Elyo banji bayeeya kuti Wa kali silwiiyo mupati wa bulenge. Kwalo, Wa kali boobo. Walo, masimpe, Mbwa kabede. Elyo mpawo bamwi babo bayeeya kuti Wa kali ii—ii muntu uli kabotu. Wa, Wa kali boobo. Pele, mwabona, Wa kali kwiindilila ceeco. Wa kali zyoonse ezyo, kusanganya. Bamwi babo bayeeya kuti Wa kali musinsimi. Wa kali musinsimi, pele Wa kali kwiindilila ku musinsimi. Wa kali obo basinsimi mbo bakabede, kusanganya. Mwabona? Aboobo, ncinzi, mbobuti mbo tunga twa ziba lino? Ikuti na Wa kali kuyiisya kwa kuyiisya Kwakwe, Wa kali mwiyi alimwi Wa kali silwiiyo mupati wa bulenge.

¹⁴ Pele i—i nzila biyo njo tuyo sola kuziba, sunu, ikuti na twali kuyanda ku Mu ziba, sunu, alimwi, Nda syoma kuti Wa kabuka

kuzwa ku bafu. Nda syoma eco a moyo wangu oonse. Elyo Nda syoma kuti Wa kasyomezya awa, kuti, “Ngu mbobuca nguwenya, sunu, amuya myaaka.” “Elyo Ndili a nduwe lyoonse, alimwi Nse kamusiyi nanka kumu lekeleza.”

¹⁵ Lino, ayo Majwi nga, nga bwini na taali a bwini. Elyo ikuti na Tazili zya bwini, mpawo ncinzi nco tucita awa sunumasiku? Tuli—tuli bantu bapengede, tuli bantu abo—abo, ee, twa kacengwa; inyika yoonse ya Bunakristo yakeenwa ikuti na Tali mbobuca nguwenya, sunu, amuya myaaka, ikuti na Ta pona sunumasiku a ndiswe mbuli Mbwa kasyomezya. “Amubone, Ndili a nywebo lyoonse, akwalo ku magolelo, na mamanino aa nyika. Ndili a nywebo lyoonse.” Lino, ikuti na obo tabuli Bwini, nkokuti kuli cintucimwi cilubide, alimwi tu—tu janwa bakamboni babeji. Kutali buyo kuti tuli bamba kusampuka tobeni, kungsi lya kulicengeezya kwa bubeji, pele tu cenga bamwi. Tu janwa basilweeno, ku cintucimwi nco twaambaula, eco citali ncico, ikuti na Nkaano buyo na Ngwa makani aakale.

¹⁶ Mbutu nzi Kristo wamakani aakale ikuti na Tali nguwenya sunu? Mbutu nzi Leza wa Musa ikuti na Tali—tali Leza nguwenya sunu? Ino cigwasya nzi kubweza muyuni wako—wako wa konzya kapati aku musanizya mavitamene mabotu, ku mubamba kuba a mapepe mabotu a mababa mabotu mayumu, elyo mpawo kumubikka mu cizangala? Mwabona, ta cimugwasyi pe. Elyo twa ambaula obo Leza mbwakali mulemu, elyo mpawo mutaambi kuti Ngu mbobuca asunu, nkokuti kuli cintucimwi cilubide. Twa kajalilwa busena bumwi. Elyo, kuti, oyo—oyo muzeezo walweeno kuli obo Leza mbwabede.

¹⁷ I Bbaibbele lilaamba antangalala, “Ngu mbobuca,” nkabela eco caamba kuti Ngu mbobuca. Uli buyo mbuli Mbwa kabede. Tana cinca nokuceya, alimwi Ngu mbobuca nguwenya, sunu, amuya myaaka.

¹⁸ Elyo lino tuli jisi, sunu, mu buzuba buno a ciindi, mbuli buyo mbo bakacita mu buzuba Bwakwe a mu mazuba oonse, tu jisi muyeeye wesu wini wa Ncico. Pele, masimpe, ikuti na kuli nzila ili yoonse mu inyika eyo njo tunga twa ziba ncobeni, tuyo ziba obo Mbwa kabede, elyo mpawo kuziba obo Mbwa kabede mu makkalo amwi.

¹⁹ Amuyeeye, Bbaibbele lyakati, “Ngu mbobuca nguwenya, sunu, amuya myaaka.” Aboobo tuyo ziba obo Mbwa bedede, kuzwa ku makkalo amwi; kuziba obo Mbwa kabede mu bukkalo obo Mbwa keenda aa nyika, bukkalo Ka tana kweenda aa nyika, alimwi bukkalo Na kamana kuba aa nyika a kusiya nyika. Tuyo ziba obo Mbwa kabede, kuziba obo Mbwa bedede sunu, lyoonse, nkaambo Ngu mbobuca nguwenya, sunu, amuya myaaka. Lino, pele, mu bumbi, tuyo jokela a kulingula, kubona kufumbwa Mbwa kabede.

²⁰ Lino tu jana kuti, mu Musalali Johane cipati 1, kotalikila kampango ka 1, lila amba, “Ku matalikilo kwakali Ijwi, alimwi Ijwi lyakali antoomwe a Leza.” Lino obo mbube, Ijwi Lyakwe; yalo miyeeyo lino, taina tondezegwa. Mwabona, “Ku matalikilo ngu, kwakali Ijwi, alimwi Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mu mubili wabuntu a kukkala akati kesu. Ku matalikilo kwakali Ijwi!” Ee, ikuti na Wa kali Ijwi ku matalikilo, Walo ndi Ijwi sunu, nkaambo lyoonse Walo ndi Ijwi.

Lino Leza weelede kubeteka inyika kwiinda ku cintucimwi.

²¹ Elyo bantu balati, ee, lino mbuli. . .Ikuti na Nda lombwa Katolika awa sunumasiku, ino muyeeya nzi kuti Leza uyo beteka inyika kubelesya? I Katolika inga yaamba kuti, “Kwiinda ku mbungano ya Katolika.” Yaa, lino ni mbungano ya Katolika? Lino bali jisi ba Roma, Orthodoxokisi ya Cigriki, a bunji bwabo. Njiili mbungano ya Katolika inga yaba? I ba Lutherani balati, “Kuli ndiswe,” mpawo nywebo noba Baptisti muli zwide. Elyo mpawo ikuti na twaamba kuti, “Kwiinda ku Baptisti,” mpawo nywebo noba Pentekoste muli zwide. Aboobo inga kwaba kunyongana kuli boobo, taakwe muntu uyo ziba cakucita, aboobo Ta kasyomezya kubeteka inyika kwiinda ku mbungano.

²² Wa kasyomezya kubeteka inyika kwiinda kuli Kristo, alimwi Kristo ndi Ijwi. Elyo Bbaibbele nde ndilyo liyo beteka inyika, lili ngu Jesu Kristo mbobuca nguwenya, sunu, amuya myaaka.

²³ Lino, ikuti na Wa kali ku matalikilo, Wa kabikka Ijwi Lyakwe, kunji loko, ku nzyalani aimwi, ciindi aciindi eco Nca—eco Nca kajisi bukkalo obu kabuboola.

²⁴ Ngu uulikokoonse, uuzizyoonse, uujisi nguzuzyoonse, uujisi nguzuzyoonse, a mupatikampatila. Ikuti na Tali obo, Tali Leza. Mukuba mupatikampatila, Walo—Walo—Walo Mbutamani. Elyo mpawo, muli ceeco, mukuba uulikokoonse; mukuba uuzizyoonse, mukuziba zintu zyoonse, su Mu bamba kuba uulikokoonse. Ngu mbobuca nguwenya, sunu, amuya myaaka.

²⁵ Aboobo, nkikaako, Wa kali kukonzya kuziba mamanino kuzwa ku matalikilo, alimwi mu bukkalo abumwi Wa kabikka kunji loko kwa Ijwi Lyakwe, mu bukkalo abumwi.

²⁶ Elyo mpawo, kanji, muntu ula Li nyonganya maningi, a inyika injila mu ciimo, kusikila Wa yandika kutuma umwi muntu, uunanikidwe. Makkalo oonse akali kozyenye. Ula lizibya Mwini aa nyika, mu muntu. Leza taciti cintu kakutakwe muntu. I Bbaibbele lya kaamba boobo, nywebo mulizi. Mwabona? Ula bweza muntu lyoonse, nkaambo wakali muntu Ngwa kali kubelesya, a kulekela muntu. . . Ku mubikka mu ciimo cakulisalila cakucita, mukuziba kuti uyo wida, kutegwa atondezye bube Bwakwe mbuli Mufutuli, nkambo kwakanyina cintu cakasweeka. Elyo, nkikaako, Wa kasala

muntu. Na kakonzya kusala nyenyeezi, Na kakonzya kusala masamu, pele Wa kasala muntu.

²⁷ Ciindi cimwi, kaimvwi, kalanga ku butebuzi; Jesu, Wa kati, “I butebuzi bwa bizwa. I babelesi mba syoonto. Amukombe Mwami wa butebuzi kuti atume babelesi mu butebuzi Bwakwe.” Elyo Wa kali Mwami wa butebuzi. Mwabona? “To jisi kaambo kakuti tolombi. To lomba nkaambo to syomi. Amulombe kunji, kuti lutangalo lwanu luzule.” Mwabona? Uli muku yaamina kuli nduwe kulomba, a kusyoma kuti watambula eco nco lomba.

²⁸ Lino, mpawo, ku matalikilo, tu jana kuti Wa kabikka Ijwi Lyakwe. Tu jana kuti, mu mazuba akwa Musa a boonse muciiindi cacatobela, kuti Ula—Ula lizibya Mwini ciindi aciindi kwiinda ku basinsimi Bakwe. I Bbaibbele lilaamba, “Ta citi cintu mane lutaanzi Wa ciyubununa ku basinsimi Bakwe.” Elyo, amuyeeye, Leza ngu Leza utakwebucince. Ta cinci pe. Walo ucili mbobuca nguwenya, sunu, amuya myaaka.

²⁹ Lino tu jana kuti, mu bukkalo abumwi, kuti muntu ulanjila mu mabambe aa Leza. Bala kwela mizeezo yabo beni, nkabela ciboneka kabotu. Ci boneka kabotu, kabotu loko. Elyo ciindicimwi cili munsu loko inga kwaba bbala lyomwe liindene, pele eelyo bbala lyomwe lyaamba lwandaano akati ka lufu a Buumi.

³⁰ Lya kali ijwi lyomwe lyaka talisya bbola eli lyoonse kupumbulika, cindi Eva na kasyoma mbali yomwe ya Ijwi lya Leza. Amuyeeye, ta kacita . . . Saatani taka baanga wasowa cintu coonse. Wa kati, “Oh, masimpe Eci ciyooba mu nzila eyi, alimwi Eyi nje nzila eyo, a Leza niini-a-niini, pele ncobeni Ta kaciti *eci*.”

³¹ Pele Wa kati Uyo cicita, alimwi, cindi Na kati Uyo cicita, eco cicibamba boobo. Mwabona? Buyo, mweelede kusyoma bwaambe boonse bwa Ndilyo. Takukwe makani eco Nco lyaamba, ku Li syoma nekuba. Ikuti na to konzyi ku Ci pandulula, ko Ci syoma nekuba. To konzyi kupandulula Leza; taakwe ukonzya. Leza ula zibwa ku lusyomo, kutali ku sayaansi. Mula syoma Leza ku lusyomo, nkaambo Wa kaamba boobo, nkabela eco cila cibamba. Kufumbwa kuti Wa kati Cili boobo, eco cisimpika kaambo. Wa kaamba boobo; tacibambi lwandaano lulilonse obo sayaansi mbo yaamba kuti Tacili ncico.

³² Nowa, Nowa taka konzya kupandulula nzila maanzi mbwa kabede mu mulengalenga, nkaambo sayaansi yakati kwakanyina awo. Pele ikuti na Leza wakaamba boobo, Ula konzya kubikka maanzi kutala okuya, kutegwa—eco caka cibamba. Mwabona, wa kasyoma buyo Leza.

³³ Lyoonse, muntu oyo uunanikidwe a Ijwi, ula syoma eco Leza nca kaamba. Kakutakwe kulanganya na ula konzya ku citondezya, na pe, ula Li syoma nekuba. Leza ngu tondezya.

³⁴ Amuswiilile, sunu lyoonse tuli mbuli . . . Muntu lyoonse ulumbaizya Leza kuli ceeco Nca kacita, lyoonse kulangila

kumbele eco Nca yoocita, a kutabikkila maanu kuli eco Ncali mukucita. Cakali cintu eco lyoonse. Elyo bantubonse bajisi bupanduluzi bwakwe mwini bwakumbali.

³⁵ Leza ngu sikupandulula Lwakwe Mwini. Leza tayandi umwi kupandulula. I Bbaibbele lyakati Talikwe bupanduluzi. Tali yandi muntu. Leza ulapandulula Bbaibbele, Mwini. Leza wakati, “A kube mumuni,” nkabela kwakaba mumuni. Eco cila cibamba. Leza wakati, “I nakalindu uyo mita,” nkabela waa kacita. Eco caka cibamba. Cindi Leza aamba cintu cili coonse, a kucisimpikizya, obo mbo bupanduluzi Bwakwe bwa ncico. Wa kati Uyo “tila Muuya Wakwe” mu mazuba aya akumamanino, nkabela Wa kacita. Taakwe bupanduluzi kuli ncico; caka pandululwa kale. Basikutasyoma inga babuka, a basikudonaika inga baimikila, a kufumbwa mbo banga bacita; pele Leza waka cicita, nekuba, nkaambo Wa kati Uyo cicita. Ta yandi umwi ku Mu pandulula. Ula cita bupanduluzi Bwakwe Mwini. Wa kapanga cisyomezyo, bantu bala cisyoma, nkabela Ula cipandulula kuli mbabo.

³⁶ Ngu Mwami oyo uuponya malwazi esu oonse. Ta ndikonzyi ku kwaambila nzila Mbwa cicita, pele Ula cicita. Wa kati Uyo cicita, kuti Uyo cicita, aboobo ku lusyomo lwesu. Ta kakonzya kucicita okuya kakutakwe lusyomo, naanka kuti Ta konzyi kucicita awa, na kufumbwa ciindi, kakutakwe lusyomo.

Lino, Walo ndi Ijwi. Walo ndi Ijwi lyakazibwa ku bukkalo obo.

³⁷ Lino, penzi ku bantu, sunu, tu bajana kuponena mu kubekema kwa bukkalo bumbi. Mbubonya mbuli Jesu mbwa kajana cindi Na kasika, Wa kabajana kuponena mu kubekema kwa mulao, a kutabikkila maanu kuli ceeco cakeelede kucitika mu bukkalo Bwakwe. Sena muli lizyi penzi mazuba ano? Ino ndipenzi nzi ku i . . .

³⁸ Ino ndipenzi nzi kuli ba Lutherani? Ee, nkaambo bakali kupona mu kubekema kwa bukkalo bwa Lutherani, cindi John Wesley naka jana maseseke aa kusalazigwa, tiiba kakonzya kuunka, nkaambo bakali kuponena mu kubekema kwa bukkalo bwa Luther.

Ncinzi cakacitika kuli ba Pentekoste?

³⁹ Baa, Wesley waka bunganisigwa loko, kusikila wa kali kuponena mu kubekema kwa bukkalo bumbi, ba kali mu bukkalo bwa Wesley, cindi lubbizyo lwa Muuya Uusalala nilwa kawida ba Pentekoste. Mwabona, bakali kupona muli ceeco Wesley nca kaamba, kusalazigwa. Cakali ciyumu kuli mbabo kusyoma lubapatizyo lwa Muuya Uusalala, kuboozeyya kwa zipego. Ba kali kupona mu kubekema kwa bukkalo bumbi.

⁴⁰ Elyo nce ncico ncoba kali kucita cindi Jesu nakasika. Kati, “Tuli jisi Musa. Tuli jisi Musa.”

41 Wa kati, “Ikuti nomwa kamuziba Musa, nomwa ka Ndi ziba. Musa wakalemba kwa Ndime. Amulingule Magwalo, nkambo muli Ngawo muyeeya kuti mujisi Buumi Butamani, alimwi Nge Ngawo ayo aa Ndi lungulula.” Olo lwakali Lugwalo lwa keelede kuba.

42 Leza kalizibya, kapandulula Lugwalo Lwakwe ku bukkalo obo, alimwi ngu Kristo lyoonse. Ngu Kristo mu bukkalo abumwi. Ngu mbobuca nguwenya, sunu, amuya myaaka. Ngu Kristo lyoonse.

43 Lino tu jana kuti, lino tu jana kuti bakwesu ba Pentekoste bapona mu kubekema kwa bukkalo bwa Pentekoste, elyo baci Ci impya. Ba sola kupandulula bukkalo bwa Pentekoste, cindi twa indilila kale kuli ceeco. Tu ponena ku ciindi ca kukwempwa, ku kuboola kwa i—i ciindi camamanino. Pele eyo nje nzila muntu mbwa cita, cili buyo munzila eyo.

44 Tu jisi kunji loko kwa kapegwa ku bukkalo abumwi. I Bbaibbele lyaka bikkilwa boobo, alimwi eyo nje nzila mbo tweelede kuba anjiyo. Eyo nje nzila mbo yeelede kuba.

45 I Leza utakwebucince, a ciimo citakwebucince, alimwi bube Bwakwe kabucili mbubonya buyo. Ta konzyi kucinca bube Bwakwe. Ta konzyi kucicita. Kufumbwa cintu cila zibwa ku bube bwaco.

46 Ta ndizyi naa nyoonse muli jisi tuyuni tu yelohama kumusanza okuno na pee, jeibeedi...tu twiita kuti “tucencleka,” alimwi ii—ii muyuni wa jeibeedi. Bobilo batandila musela omwe. Amu kalangilile kayuni ka jeibeedi kakauluka, na kali kule nkabala waka langilila, kaya kupanga B-lini cindi noka uluka. Pele, yellohama, uyo unka atala ansi mbuli mbwauluka. Mwabona, obo mbo bube bwa yellohama. Inga wa mwaambila kwiinda ku micito yakwe.

Amulangilile muntu ubelesya janza lyakwe lyalulyo na lya lumwensi. Ngu chi- . . .

47 Tuli jisi banakazi sunu abo bayanda kuba baalumi. Ba sama mbuli mbabo, pele bacili. . . Amu balangilile kweenda a ceeco ncoba cita, ba cili. . . Bube bwabo butondezya kuti mbanakazi, nekuba, mbubonya buyo, mwabona, nkaambo cili buyo munzila eyo. Tula sika kuli eco kwamana. Pele, nekubaboobo, tuli aa cintucimwi cimbi ndyoonya lino.

Amuyeeye, mula lizibya ku bube.

48 Elyo Leza ulalizibya ku bube Bwakwe bupati, kuti, “Ta konzyi kucinca.” Wa kati, muli Malaki 3:6, “Ndime Leza, nkabela Nse cinci.” Mwabona? Ta cinci ncobeni. Bube Bwakwe buli kozyenye.

49 Ciindi coonse Na kalibonya aa nyika, ku mamanino aa bukkalo, Wa katuma muntu lyoonse a kumunanika kubelesya Muuya Uusalala, Kristo. I Muuya Uusalala ngu Kristo,

“uunanikidwe,” *Logosi*, nkabela Lya kaunka, nkabela Lya kaboola kuzibya i—i Majwi aa bukkalo obo. “I Ijwi lya Mwami liboola ku basinsimi,” Bbaibbele lya kaamba boobo, a kuzibya bukkalo obo. Mwabona, Ta citi cintu kunze lya muntu. Lino Ta konzyi kucicita mu nkamu. To konzyi kucicita. Ta cina citwa. Ta kabelesya nkamu; takacita. Walo ubelesya muntu omwe. Toli. . .

⁵⁰ Israyeli yaka futulwa mbuli cisi, pele muyo futulwa mbuli mugame.

⁵¹ Elyo muntu omwe Ngwa beleka awe. Wa kajisi ii. . . Ta kajisi akwalo ii—ii—ii Musa a Eliya, ciindi nciconya. Ta kakonzya kuba a Eliya a Elisha, ciindi nciconya. Ta kakonzya kuba a Johane a Jesu, ciindi nciconya. Uli jisi omwe lyoonse, nkaambo Ula jana muntu oyo omwe mu luyando Lwakwe lwa Buleza.

⁵² Ikuti na twa talika sunumasiku, nkabela Ndi jisi muntu omwe, muntu umwi awa oyo Ngwe konzya kubweza, nkabela inga twa zuminana aa njiisyo, cakulondoka buyo, inga twa talika nkamu niini. Mu mwaka kuzwa sunu, inga twaba a ba Ricky banji loko omuya, baa, inga aba mause. Mbo mbubo, ba kaboola buyo mbuli ziponena aali zimwi. To konzyi ku zitantamuna. Aboobo, nkikaako, tii cakali cianza ca Leza.

⁵³ Leza takonzyi kucinca. Ula beleka, mbubonya, mugame omwe! Wa kacicita kwiinda mu makkalo. Wa kacicita lyoonse.

⁵⁴ Elyo bube Bwakwe bula lizibya ku bukkalo obo. Lino, muta lubi eco, bube Bwakwe bula lizibya mu bukkalo obo.

⁵⁵ Amulange mu mazuba aa Josefa, musinsimi, obo Jesu mbwa kalizibya cakulondoka muli Josefa. Wa kazyalwa, kayandwa kuli bawisi, kasulaikwa kuli babunyina, kakutakwe kaambo. Wa kali kubayanda bananyina. Pele bakali mbuli ba Farisi batulengwa, basikulibanda, nkabela taakwe cintu njoba kajisi cakuta a nguwe, a kumu sula nkaambo wa kabona zilengaano a— a zimwi zimbi. Pele bube mbubonya muli nguwe bwaka tondezya kuti wakali Kristo.

⁵⁶ Josefa wakali musinsimi. Wa kaamba zintu kumbele. Ca kacitika mbubonya buyo nzila mbo cakacitika. I nzila mbwa ka caamba, eyo nje nzila mbo cakacitika. Alimwi wa kali kupandulula ziloto, alimwi takapa buyo bupanuluzi bwa nzizyo mu cibbutumuko. Ciindi coonse na kati ciyooba mu nzila eyo, eyo nje nzila buyo mbo cakabede. Wa kazyalwa, musinsimi, wa bukkalo obo. Mbombubo ncobeni. Lino, tu jana kuti Leza waka tondezya bube Bwakwe muli Josefa.

⁵⁷ Umwi aumwi wa basinsimi wakatondezya bube bwa Leza, nkaambo ca kabweza Ijwi lya bukkalo obo a ku li zibya. Leza waka pandulula Ijwi Lyakwe, lya bukkalo obo, kwiinda mu muntu. Lino, taakwe muntu ukonzya kujana kampenda kuli ceeco. Olo Ndugwalo.

58 Ee, na cakali boobo lyoonse, sa ta ceelede kuba mbubonya asunu, ikuti na Ngu mbobuca nguwenya, sunu, amuya myaaka?

59 Leza wakapandulula Mwini Ijwi Lyakwe! Wa kati, “*Eci cintu ciyo citika mu bukkalo bumwi, nkabela eci cintu ciyo citika,*” nkabela Wa seluka a kucicita. Lino, Ta yandi kupandulula kuli ncico, nkaambo cila cita cini. Ta yandi umwi ku Mu pandulula. Ngu Elohimu, sikulibeda mwini, *Ulijisilidi zyonse*. Ta yandi lugwasyo kuzwa ku muntu uuli oonse. Mwabona, Ngu Leza, alimwi Ula cita mbuli Mbwa yanda.

60 Elyo kuli cintu comwe nco tuli masimpe kuti Ta konzyi kucita; Ta konzyi kuunka kulwana Ijwi Lyakwe, elyo kacili Leza. We elede kubamba Ijwi Lyakwe, nkaambo Ijwi ngu Leza. Lili. . . Alimwi Leza ulalizibya kwiinda mu Ijwi Lyakwe lyaka syomezegwa ku bukkalo.

61 Mu bumwi, mu mazuba aa . . . lino, ino mu mazuba aa Musa? Wa kalizibya. Wa kalizibya nkaambo Wa kalizibya kwiinda ku Ijwi Lyakwe. Wa kaambila Abrahamu, “Lunyungu lwako luyo endeenda mu nyika nyenzu kwa myaka ili myaanda yone. Njo bagwisya a janza lyangu.”

62 Lino, cindi eci citondezyo cipati nica kacitika, mbuli cikoto cipati ca Mulilo mu citeo ciyaka mulilo, Musa wakali kkemikko, wa kayiisigwa mu busongo boonse bwa bana Egepita, ino kuti Musa nakainda a bwiime bwakwe—a bwiime bwakwe bwalwiiyo, a kuti, “Langa ku musamu ulya uugamba! Ula amalilo. Uli mukupya. I matu ala wuuma, nakabela taakwe cintu cinyonyoonwa, cili mukupya. Lino, eco camana kumana kupya, Ndiyo bweza matu amwi a kuselemukila ku labbolatori a kuziba musyobo wa musamu ngo waka fwafwazwa awo?” Ni cata kaambaula kuli nguwe! Pele cindi naka samununa mabbusu akwe, wakeenda cakulibombya!

63 Eyo nje nzila mbo tujana Leza, cindi twa gwisya kulisumpula kwesu a ku kukubikka ansi, a kweenda kumbele mu Busyu.

64 Amuswiilile ku jwi eelyo kuzibya. “NDIME OYO NDIME. Ndime Leza wa Abrahamu, Izaka, a wa Jakobo. Nda yeeya cisyomezyo Cangu, nkabela Nda bona cimo kuti cili luleme. Nda seluka, alimwi Ndiyo kanana. Elyo Nda kutuma, nkabela uyooba jwi Lyangu.” Oh, ma!

65 Eyo nje nzila Mbwa cicita. Ncinzi Nca kacicita? Ku kulizibya Mwini mu bube Bwakwe, mu cigambyociinda. I cigambyociinda ciindicimwi calo ncikankamanisyo maningi, Cila tantamuka kulaale kuzwa ku bantu. I bantu balaba bantu babotu, bantu babotu, pele ziindizimwi taba mvwisyi.

66 Eco ncencico, eco cakali cintu nciconya kuli Josefa. Ta kakonzya kumvwisya. Walo mwana wa Davida, pele ta kakonzya kumvwisya nzila Mariya mbwa kakonzya kumita. Lino, kwiina kuzumbauzya, a meso mapati, mabotu asalaluka, kalanga ku busyu bwakwe, a kuti, “Oyandwa, Ndi lizi kuti tuli tangidwe

ku kwata. Ndi jisi cintucimwi caku kwaambila. Nda kajisi kuswaya, kwiinda kuli Gabriyeli, alimwi Ndili . . . Nda kamita, ‘kwiinda ku Muuya Uusalala,’ Wa kandaambila. ‘Elyo cintu eci ciyo zyalwa tacikabi mwana wako; uyooba Mwana wa Leza.’” Elyo, lino, Josefa wakali kuyanda kusyoma boobo. Pele ta—ta kakonzya buyo kucisyoma, nokuceya. Ca kali ciyumu loko kuli nguwe kusyoma. Pele, nywebo mulizi, cakali cigambyo. Banakazi tiiba kamita, cabuleza, aboobo cakali cigambyo.

⁶⁷ Alimwi ezyo nze zintu zigambya Leza nzya cita. Ci lebya bantu. Lila mwesya, kujula meso a bamwi, a boofu bamwi, mu ciindi nciconya. Ca kacita eco lyoonse, Wa—Wa, zintu zigambya a nzila iigambya.

⁶⁸ Ikuti na Josefa nakalanga buyo mu Lugwalo, kuziba eco cakeelede kucitika mu buzuba obo. Lino, kwakanyina basinsimi kaindi. Tiiba kajisi musinsimi kwa myaka ili myaanda yone. Malaki wakali musinsimi wabo wamamanino. Elyo basinsimi bakali cigambyo maningi. Aboobo teeba kajisi basinsimi mu mazuba ayo, aboobo Leza wakatola ciindi cabili, aku mupa ciloto, aku mwaambila. “Josefa, yebo omwana wa Davida, uta yoowi kuli bwezela Maria mukaintu wako, nkambo eco cimitidwe kuli nguwe, muli nguwe, nca Muuya Uusalala.”

⁶⁹ Mwabona, Leza kalizibya Mwini, Ula cita eco lyoonse mu nzila ya cigambyociinda.

⁷⁰ Lino, aba, Josefa a Musa, alimwi ikuti ni twali jisi buyo ciindi cinji inga twa zumanana buyo a kuzumanana a ncico. Pele mula mvwisya eco Nce wamba, kuti, Leza, mu bukkalo abumwi, lyoonse ulatuma mugame, muntu omwe.

⁷¹ Aboobo nkaambonzi nco jatilila ku nkamu imwi, kakuli bali lubide kumaninina? I Bbaibbele lya kaamba boobo, Ciyubunuzyo 17, yoonse iyo yobolwa mu nkamu yomwe mpati. Pele kuzwa awo kuyo boola bagame mbo mbubo kuli Leza, kutali nkamu kobotu; i mugame mbubo, mugame mu nkamu. Lino tu jana kuti, mpawo, tula kwankwana a kuzumanana, kujatikizya, “Tu zulilwa kuli *eyi*, alimwi tu zulilwa kuli *eyo*.” Eco ta caambi cintu comwe kuli Leza.

⁷² Kwalo nduwe mbuli mugame, kumbele lya Leza. Ikuti . . . We elede kwiimikila ku matende ako eni. Ndo nduwe weelede kubamba bumboni. Umwi aumwi wanu weelede kucita ceeco, kwiingula kuli Leza ku Ciyubunuzyo.

⁷³ Lino ino kuti Nda kanana awa ku muntu oyo mubwini utakonzyi ku Ci tambula, kunyina cintu muli nguwe caku tambula? I Bbaibbele lyakati, “Oyo uupona mu misaalo uli fwide kuciindi na ponu.” Nkaambonzi abo Bafarisi ncoba takaliko?

⁷⁴ Amulange Jesu, koonse nko twa kazi, Wa kali Ijwi lya Leza lyaka tondezegwa. Tula syoma obo. I Bbaibbele lyakati mbo cakabede. Ee, amulangilile cindi Na kacita citondezyo Cakwe ca Mesiya.

75 I ba Farisi, abo baka jisi mumuni muniini. Ba kali bantu babotu, kaponu buumi bubotu bwa Bunakristo, na buumi bubotu bwa bukombi, kajisi mumuni muniini kujatikizya mbabo. Ba kajisi kabu- . . . kabunganisigwa, a bupaizi. Ba kajisi mumuni muniini. Pele kuni kwini kwa moyo wabo, teeba kajisi ciiminizyo Citamani mu Bulemu. Aboobo cindi niba kabona eco cigambyociinda nicaka citwa, ba kati, “Oyu muntu ngu Bezebule, dyabulosi.” Elyo ncinzi cakacitika? Eco cakabikka oyo mumuni ngo baka jisi.

76 Pele ngooyu mwanakazi, muniini wampuwo mbi, sibwaamu. Kuni kwa moyo wakwe, ee, waa kajisi ciiminizyo ca miyeeyo ya Leza imwi. Ngooyu mbwa kabede, kaledmedwe mu cibi. Pele cindi na kabona eco kacacitika, waa kati, “Munene, Nda syoma kuti Uli musinsimi. Ndi lizi cindi Mesiya aboola Uyo twaambila zintu ezi.” Ino cakacita nzi? Ca kasalazya buumi bwakwe. Wa kali Munununi, kuli nguwe, nkaambo Wa kali kukonzya kumu nyamuna oko nkwa kazwida.

77 Pele oyu mu Farisi, amu ciyeeye, mukombi mbuli mbwa kali kukonzya kuba, elyo Jesu wakati, “Muli bauso wanu dyabulosi, a milimo yakwe muyo icita.” Muntu mukombi, wakali kuzululwa ku malailile, mapati mabotu. Elyo Jesu waka baita kuti, “Nzoka mu bwizu, a madaimona.” Ba kakaka Mumuni wa oora. Obo mbombubo mbo cakabede.

78 Jesu mu bukkalo Bwakwe, ino Wa kalinzi? Mbuli buyo basinsimi ba bukkalo bwabo, umwi aumwi wabo wakali Ijwi lya Leza kalipandululwa ku bukkalo obo.

79 Musa wakali Ijwi lya Leza, lyaka pandululwa. Leza wakati, “Njo tuma kuselelo kuya, nkabela Njo bavuna. Ndi kutuma kuselelo a Ijwi Lyangu. Njo cita zitondezyo a zigambyo zipati.” Wa kacacita.

80 Maria, waa kali Ijwi lya Leza, lyaka pandululwa. “I nakalindu uyo mita.” Eelyo lyakali Ijwi lya Leza, lyaka pandululwa.

81 Lino mpaawa kwaboola Jesu aa cilao, Leza wa basinsimi. Elyo mpaawa mpo bakabede, kabunga loko a kulembwa, alimwi, oh, mu ciimo cili boobo kusikila tiiba kakonzya akwalo, tiiba ka Mu ziba akwalo. Ta kaboola nzila njo bakali kuyeeya kuti We elede kuboola. Ba kayeeya kuti Leza inga wasomona kava kaniini *awa*, akulekela tuzila twaku Julu ansi, nkabela Uyo enda kuzwa a kwaamba, “Kayafasi, mupaizi mupati wa Leza, Nda sika.”

82 Pele Wa kajisi Muvwanda wakazyalwa mu cilido cabanyama, kumusanza mu ii-ii mpangala niini, njumu mu Betelehemu. Kumusanza okya, antomwe a makuba a buloko bwa cimpati, muvwanda muniini kavungaidwe ku cisila ca jokwe, aku Li bikka mu cilido cabanyama. Taka jisi kwiiya. Amulangilile obo

mbo bakalulamika Ijwi? Mbuli, Wa kali Ijwi. Walo ndi Ijwi. Walo ucili mbobuca nguwenya, sunu, amuya myaaka. Nconzyo.

⁸³ Lino, Nse pangi cimwi, kufusa cintu cili coonse, kuli umwi na kufumbwa cintu. Eco tacili mu bukanze bwangu kucita ceeco. Ikuti na eco cakali mu moyo wangu, inga Nda sika kumbele lya cipaililo eci, a kululamika, lutaanzi.

⁸⁴ Pele, amulange, kuli ndinywe nobantu nomu komba kuli Mariya, kuba sikukombezezya; amulange Mariya. Nda syoma waa kali mwanakazi nakalindu, masimpe, pele waa kali cikumbilo buyo eco Leza nca kabelesya kuleta Kristo ku nyika. I ng'anda eyo. . .

⁸⁵ Leza waka vungulula tente Lyakwe, kuzwa kukuba Jehova, kuba muntu. Wa kali *Emanueli*, “Leza kakkala akati kesu,” kabeleka a ndiswe; Leza, waka jatwa mu mubili wabuntu; Leza, waka yakilidwe mu tente litigwa muntu, oyo wakali Mwana wa Leza.

⁸⁶ Amulange Mariya. Ngooyu Mulombe, myaka ili kkumi aibili yakukomena, taka jisi buzuba mu cikolo, mbuli mbo tuzi; ngooyu Mpali, kaimvwi mu tempele, kabuzyanya a bapaizi. Elyo amulangilile, mpaawa kwaboola bawisi a banyina, mazuba otatwe a masiku, baka Mwi impya, elyo baka Mu jana mu tempele. Ba kati, “Mulombe, twa kayandaula. . .” Mariya, amuswiilile kuli Mariya, kati, “Swebo, bauso a Ndime twa Ku yandaula, isikati a masiku, a misozi.” Amulangisye awo, kukaka bumboni bwakwe. Waa kaambila Josefa kuti Muuya Uusalala waka muvunikila; waa kaambila bapaizi abo kuti Oyu wakali muvwanda wakazyalwa kuli nakalindu; elyo mpaawa uli imvwi, a kwaamba, “Bauso, Josefa, a Ndime.” Mwabona obo mbo ciyakidwe?

⁸⁷ Pele amulangilile Ijwi lya Leza, kati, “Sa tamuzi kuti Nde elede kucita mulimo wa Taata Wangu?” I Ijwi lyoonse lilalulamika bulubizi kwiinda kukuzibya Leza akati kabo. Mwana wa myaka ili kkumi aibili yakukomena, ikuti na kali obo, Josefa wakali wisi Wakwe, Na kali kuyaka maanda a makkabbinti. Pele Wa kali kokuya kamwaya tubungwe twa buzuba obo. Wa kali kucita mulimo wa Wisi Wakwe. Mwabona eco Nca kali kucita? “Elyo sa tamuzi kuti Nde elede kucita mulimo wa Taata Wangu?” Mwabona, kaambila banyina Bakwe, mwabona obo kuti. . . ? Ee, Wa kali Ijwi.

⁸⁸ Walo ndi Ijwi, nkabela Ijwi lila lulamika bulubizi kwiinda ku kuzibya kwa bube bwa Leza. Ameni. Amulange, cindi nyika. . .

⁸⁹ Inga ndayeeya Simooni Petro. Nda kabala kaano kaniini lomwe, ka nguwe a—a munyina wakwe, Andreyo. Elyo zina lyakwe wakali Simooni kaindi, nywebo mulizi, alimwi ta kalina kwiitwa kuti Petro. Aboobo walo a munyina bakali bazeli, a bawisi, nkabela bakali kubusena aa lwizi. Elyo mudaala wakali kuya bucembaala, elyo wa kabaita ku bwaato, busiku bumwi,

elyo wa kati, “Balombe, mulizi kuti twa kasyoma Leza. Ziindi zinji cakuti tii twa kajisi cintu cakulya, alimwi kajisi mabbiilu akubbadela. Elyo—elyo twa kali kunga twaunka, kakutakwe kujata, kwa mazuba obile na otatwe. Elyo banyoko a Ndime, kumbele lyako. . .ba kaunka, baa, toonse inga twa bungana koonse a kukomba, nkabela Leza inga watupa kujata kubotu. Balombe, Nda kasyoma Leza, buumi bwangu boonse. Elyo lyoonse Nda kapon mbuli mu Hebrayo wini uli oonse, kubona Mesiya kaboola. Lino, balombe, Ndiya—Ndiya bucembaala loko lino. Antela nseka Mu boni, pele Ndi yanda ndinywe no balombe bakalaililwa kabotu.”

⁹⁰ Nda konzya kumubona kagwambatila Simooni, alimwi umwi kuzunguluka Andrey, a kwaamba, “Balombe, kakutanaba buyo kuboola Kwakwe, muyo bona kampenda. Kuyooba misyobo yoonse ya zintu zya bubeji ziya kubuka, aboobo iyo ofwaazy meso aa bantu.” Lyoonse ulacita eco; elyo caka cita buyo eco. “Kuyooba misyobo yoonse ya. . .Pele, amuyeeye, muta cengwi. I Mesiya uyooba musinsimi. Nkaambo, Musa wakati, mu Deutronomo cipati 18, kampango ka 15, ‘I Mwami Leza wanu uyo busya Musinsimi uuli mbuli ndime.’ Lino, tii twa kajisi basinsimi bamwi ba kuyubulula Ijwi lya Leza. Kwakanyina umwi wabo awa ku Ijwi lya keelede kuboola, aboobo twa kajisi buyo makani aakabungwe kwa myaanda a myaanda ya myaka. Pele cindi oyo Umwi asika aa cilao, muta cengwi, Uyo oba musinsimi. I Mwami uyo liyubununa Mwini. Uyo oba musinsimi. Elyo, cindi Aku boola, Uyo lizibya Mwini mbuli musinsimi.”

⁹¹ Inga ndayeeya buzuba bumwi kuti Simooni kaselemukila kuyo bona Jesu okuya ku nkomwe. Elyo cindi na keenda mu Busyu bwa Jesu, Jesu waka mulanga a kuti. . .

⁹² Katalika buyo mulimo Wakwe, lino, Musalali Johane cipati 1, elyo kumane “Ijwi lyakaba mu mubili wabuntu a kukkala akati kesu,” ngooyu Mbwa bede. Lino, twa kaambilwa kuti Andrey waka Mu bona lutaanzi, a kumvwa Johane kakambauka, a kusola kujana Simooni kuunka. Elyo walo buyo, “Oh, ee, walo mukambausi buyo umbi. Ailekwe iinke. Elyo kwakali *eci*, *eco*, na *cimbi*.” Pele, cintu citaanzi mulizi, ba kayeeya kuti bayo boola kubona.

⁹³ Wa kati, “Lino Mesiya wasika!” Oh, Elyo ure. . .Simooni taka konzya kusyoma ceeco.

⁹⁴ Aboobo wa keenda buyo buzuba bumwi oko Jesu nkwa kaimvwi. Jesu wakaliimvwi kunselelo lya lwizi cifumo eco, elyo bantu boonse bakali bungene. Elyo banakazi baka sanzya mitiba cakubinda ncobeni, a ku josya zisani zyabo, a zintuzyonse nzoba takali kusanzya buzuba obo, kaselemuka kuzo Mu mvwa kaambaula. Simooni wakazela busiku boonse okuya, alimwi

antela taka jata nswi na cintu. Wakeenda kuzwa, kayeeya, “Nda syoma Ndiyo mvwa buyo eco Nca amba.” Wa keenda kuli Nguwe.

⁹⁵ Wa kali Mulombwana wakali kuboneka kugambya. I Bbaibbele lyakati, “Kwiina bubotu mbo twa keelede ku Mu yandila.” Ta kali kuboneka mbuli mwaami.

⁹⁶ Bweebesi mbwa dyabulosi, lyoonse. Mbo mbubo ncobeni. Elyo inga twa sika kuli ceeco, kwainda kaindi kaniini, aboobo mpawo kuziba. Tula bona eco Kaini nca katuula, a kubona eco cakali ku Julu, a kuziba obo inyika eyi, bweebesi bwabuyo mbobubede, a cintu. Hollywood yatola bweendelezi, sunu, noiba mbungano. Iyi, munene. Muzeezo walweeno, wa dyabulosi.

⁹⁷ Sena kweendelezegwa kwa Mwami, mu busalali a Nguzu; kutali mu misila, a musili, a tubbudula, a zintu zyoonse zimbi ezyo nzyo bali mukusola kusama a kucicita. Cili mu bweebesi bwa busalali a bululami. Ta tuli ba inyika eyi. Tu zwa ku bwami obo buli Kujulu, oko kukkede bululami mukati. Iyi.

⁹⁸ Taba kalisakatizyi beni a Ceeco. Cipekupeku cinji loko, azimwi zimbi.

⁹⁹ Aboobo mpawo tu jana kuti Simooni wakeenda kumbele mu Busyu Bwakwe, elyo mpaawo kwakaimvwi Umwi oyo Andreyana ngwa kasyoma kuba Mesiya. Elyo Jesu Mbwa kalangila buyo ku—kuli Simooni, Wa kati, “Zina lyako ngu Simooni, alimwi uli mwana wa Jonasi.” Wa kalizi mpawo kuti Wa kali ni. Kwakanyina kudana kwakali Leza wakalizibya alubo moonya omu mu Lugwalo, bube Bwakwe mbubonya.

Ikuti na Josefa naka konzya buyo kulanga kusule okuya a kubona ceeco!

¹⁰⁰ Jesu, cindi Na kali kukambauka ano aa nyika, Wa kati . . . Wa kati, “Amulingule Magwalo, muli Ngawo muyeeya kuti mujisi Buumi Butamani; Nge Ngawo alungulula Ndime.” Ni bakajoka buyo kuzwa ku mulao. I mulao wakali kuzwa buzuba obo, alimwi bakali kupona mu musyobo oyo wa kubekema. Pele mpaawa mpo babede sunu, tiiba kakonzya kubona Lugwalo kalulizibya mpoonya awo. Elyo baakakilwa ku Lu bona.

¹⁰¹ Elyo baka cicita mu bukkalo abumwi, nkabela bayo cicita muli ceci cimwi, abalo. Taakwe cintu cimbi kuli mbabo cakucita. Ca kaambwa kumbele kuti bayo cita, aboobo bayo—bayo cicita. Taakwe nzila yaku ceenguluka. I Bukkalo bwa Laodikeya buya kucita cintu nciconya.

¹⁰² Lino amu mulangilile. Mpaawo wa kaima awo, elyo wa kati, “Lino, tii twa kajisi musinsimi kwa myaka ili myaanda yone, alimwi ngooyu Muntu Oyo undaambila kuti Ndime ni, alimwi kuti taata wangu munaleza wakali ni. Oyo ngu Mesiya.” Lino, twa kaambilwa kuti Simooni wakali muntu buyo a utayiide, pele wa kabambwa kuba mutwe wa Mbungano.

103 Tu jana kuti, kwakali umwi wakaimvwi alya, wa zina lya—lya Filipino, nkabela wa kabona ceeco. Elyo wa kajisi kwiiya kwa Bbaibbele a muntu wakaulikidwe—wakaulikidwe Nataniyeli. Ikuti na muyo gwala awo Jesu mpa kabede, awo mpa kajana Nataniyeli, akali mamaile ali kkumi aosanwe. Olo ndweendo lwa buzuba bubotu. Aboobo kweelede kuti waka zuzuzunguluka alya, kuzunguluka cilundu, mbuli boobo. Lino tuyo bona. Wa kati, “Nataniyeli!” Cindi na kamuswaana, wa kati, “Yebo ulizi, twa kali kuba a kwiiya kwa Bbaibbele.”

“Iyi.”

104 “Ee, lino, twali kusyoma kuti nciindi ca cintucimwi kucitika. I mabanze ali mukucinca, alimwi tuli ciindi ca Mesiya kuboola, nkaambo tii twa kajisi musinsimi uli oonse lino kwa myaka ili myaanda yone. Elyo Malaki waka twaambila kuti Uyo tuma sikusololela kumbele lyesu, alimwi Nda syoma oyo kuba Johane.”

105 Lino tu lizi, cindi wabona citondezyo, citondezyo ca Bbaibbele cakasimpe, kuli jwi lya bwini lya Bbaibbele kunze lya ncico. Ikuti na taakwe jwi litobela citondezyo, jwi ndilyonya buyo lyakaindi lya lwiiyo lwabukombi, ko ciluba; tii lyakazwa kuli Leza. Kuli, lyoonse. Kaambila Musa, “Ikuti na taba kasyomi citondezyo citaanzi, bayo syoma jwi lya citondezyo cabili.” Kweelede kuba jwi a citondezyo. Nincobeni! Elyo ikuti na ndi jwi ndilyonya lyakaindi lya lwiiyo lwabukombi, amu cilube. Wa kajisi kale eco. Ncintu cimwi; Leza uli mukusola kukwelelezya kuswiilila kwa bantu, kwiinda ku citondezyo, elyo mpawo kubapa jwi, eco cili kunze lya citondezyo. Lyelede kuba jwi lya Lugwalo; Musa nataka cisyoma, awalo Paulo natakacita.

106 Mu lweendo lwakwe kuselemukila ku Damasiko, cindi na kabona citondezyo eco, ca oyo Musumpululu wa Mulilo, wa kakwiila, “Mwami!” Oyo mu Juda nata kaita kufumbwa cintu cimbi kuti “Mwami,” pele Mwami, pele Mwami Mwini. Wa kati, “Ino Nduweni?”

107 Wa kati, “Ndime Jesu, alimwi nciyumu kuli nduwe kusansa cibinzyo.” Mwabona? Kwakali citondezyo, alimwi kwakali jwi lya citondezyo.

108 Mpawo amulange eco nca kaamba. Amulange, amulangilile mulimo wakwe kuzwida waawo, eco nca kacita, nkabela muyo bona nzila ya kweendelezya mbungano.

Lino tu jana kuti, awo Wa kalizibya kuli Simooni.

109 Mpawo tula mubona, Nataniyeli, tuyo muleta kubusena. Elyo Nataniyeli wakati, “Lino, lindila aniini. Lino, weelede kulubila.”

110 “Peepe, Nse lubide. Nywebo mulizi oyo muzeli mudaala ngo twa kali kuzela awe kunselelo okuya?”

“Iyi.”

“Yebo ulizi takali kukonzya kusaina zina lyakwe.”

“Mbo mbubo, ku risiiti eyo, ku nswi ciindi eco.”

111 “Cindi na keenda mu Busyu bwa Ceeci eco Nce zyi kuba Mesiya. . . Lino, Ndi yanda ku mubuzya, Nataniyeli. Uli sicikolo mupati mubotu, mu Hebrayo mubotu, a sikubala mubotu wa Bbaibbele. Ino Mesiya uyooba buti cindi Aku boola?”

“Ee, Uyo oba musinsimi, nkaambo Bbaibbele lyakati Wa. . . .”

112 “Ee, ino inga waamba nzi ikuti na Nda kwaambila kuti Wa kaambila muntu oyo, Simooni, obo mbwa kabede, a mbwakabede, abakalo bawisi?”

“Oh, Nse konzyi kusyoma eco.”

“Ee, atwiinke kuyo ziba. Atwe ende. Amuboole mubone.”
Mwabona?

“Sa inga cimwi cibotu cazwa mu Nazareta?” wa kaamba.

113 Wa kati, “Boola ubone.” Oyo mubuzyo mubotu. Uta kkali ku ng’anda aku Ukazya. Boola uzoli bone, nkambo kako. Wa kati, “Boola, leta Bbaibbele lyako aku lilingula.” Ngooyu wa sika.

“Sa inga cintu cibotu cili coonse cizwa mu Nazareta?”

Wa kati, “Boola, ubone.”

114 Elyo cindi na keenda mu Busyu bwa Jesu, Jesu waka mulanga. Lino Wa kati, “Amubone mu Israyeli muli nguwe mutakwe luuni.”

Wa kati, “Rabi, ndelili Noka sola kundiziba?”

115 Wa kati, “Katana kwiita Filipo, cindi noli kungsi lya cisamu, Nda kubona.”

116 Wa kati, “Rabi, Yebo uli Mwana wa Leza. Yebo uli Mwaami wa Israyeli.”

117 Nkaambonzi? Bube Bwakwe bwaka Mu zibya. Nkaambonzi? Bahebrayo cipati 4, kampango ka 12, kaamba ceeco, “I Ijwi lya Leza lila nguzu loko, libosya maningi kwiinda cceba lya mabemba obilo, kupambula, a sikutweluka wa miyeeyo a makanze aa moyo.”

118 Nce ncico basinsimi ncoba kacita, nkabela bakali Ijwi. Ba kali Ijwi mu bukkalo bwabo, pele mpaawa kwakali buzule bwa Ijwi. Mwabona? Ba kali umwi wakali kukonzya kubaambila eco cakacitika, kutweluka miyeeyo; a ceeco cakaliko, a ceeco ciliko, a ceeco ceelede kuboola.

119 Aboobo mpaawo Wa kaliimvwi alya. Oh, kwakali bamwi babo bakaima awo, kati. . . . Ba kacita kupa bwiinguzi ku mbunga yabo. Ba kacita kucicita, nkaambo okuya i—i milimo yanguzu yaka citwa nkabela tiiba kakonzya kwiikaka.

120 Mwabona, baka jisi kale kuponesegwa, kuciimo ca kuponya mbo kwakali kubikkila maanu. Ba kajisi ciziba ca Betisaida, kutala okuya, nywebo mulizi. Balo, Betisaida, ba kanjila mu

ciziba eco a kuponesegwa. Ba kajisi kuponesegwa kwa Buleza mu bukkalo abumwi, pele ngooyu wakali musinsimi.

¹²¹ Ba—ba kacita kucicita. Nywebo mulizi eco ncoba kaamba? “Oyu muntu ngu Bezebule, musondi. Ula cita i. . .”

¹²² Jesu wakati, “Ndila mujatila kuli ceeco. Pele cindi Muuya Uusalala wanjila mu bukkalo bumbi, ku cita Ijwi ndilyonya, milimo yomwe. . . bbala lyomwe Kuu sampaula, tali kajatilwi, kutali mu inyika eyi na inyika iiciza.” Oko nkusanka, kwiita Muuya wa Leza kuti muuya uutasalali, oyo ucita mulimo wa Leza. Amu ciyeeye eco canguzu ncobeni lino. Amuyeeye, amubikke eco mu mizeezo yanu.

¹²³ Iiyi, eyo nje nzila Mbwa kalizibya jilo. Oyo wakali Jesu, ijilo. Elyo ikuti na Ngu mbobuca asunu, Uyo cita mbubonya. Eyo nje nzila Mbwa kalizibya Mwini mbuli Mesiya. Eyo nje nzila mbobaka Mu ziba, kwiinda ku mulimo oyo. Amulange, eco. . .

¹²⁴ Kuli buyo misyobo yotatwe, mikowa yotatwe ya bantu, abo, mba Juda, Bamasi, a Basamaria. Elyo abo i—i bantu ba Hamu, Shemu, a Jafeti. Lino, ikuti na tula syoma Bbaibbele, boonse bakazwa ku bana ba Nowa, alimwi abo mba Juda, Bamasi, a Basamaria.

¹²⁵ Lino, Bamasi tiiba kali kulangila Sa- . . . taakwe Mesiya. Twa kajisi kana kusule lyesu, a kukomba kaleza ka buhedeni. Swebo ba Anglo-Saxoni, abamwi bambi, mu mazuba ayo, twa kali bahedeni, ba Roma aba Griki, abamwi bambi. Tii twakali kulangila Mesiya. Pele ba Hebrayo bakali kucilangila, alimwi Wa. . .

¹²⁶ Amuyeeye, amu jate eci kabotu lino. Walo ubonekela biyo kuli baabo ba Mu langila. Libonya biyo kuli baabo ba Mu langila. Ula liyubununa Mwini kuli baabo ba Mu langila.

¹²⁷ Elyo Wa kalizibya Mwini kuba Juda, ziindi zinji. Cindi twa sika aakale mu mwiki, kujana basyakacite banji. Pele ndyoonya lino. . .

¹²⁸ Lino kuli muna Samaria, ba Mu langila, abalo. Aboobo Wa kali mu lweendo Lwakwe kuselemukila ku Jeriko, aboobo Wa kacita kuunka kutala kwiinda ku nzila ya Samaria, elyo Wa kasika ku muunzi Sukari. Kutandila ileveni okuloko, na twelufu, nkabela Wa katuma basikwiiya mu munzi, kuyo jana zyakulya.

¹²⁹ Kuciindi noba kaunkide, mwanakazi wampuwo mbi wa muunzi wakayutuka, ndiza musimbi mubotu. Waa kali jisi antela, nywebo mulizi, waka tandwa ku bazyali bakwe a zintuzyonse, elyo ta kabona cintu mu mbungano, aboobo waa kamubamba buyo kupona mu nzila mbi, kwiinda kukuba a balumi banji loko. Elyo waa kaboola ku mukalo, nkabela kwakali Jesu kakkede awo, mu Juda.

¹³⁰ Antela wa kaboneka kukomena aniini kwiinda Mbwa kabede ncobeni, nkaambo Wa kali biyo makumi otatwe, elyo

tu jana kuti mu Musalali Johane 6 baka taminina kuti Wa kali kuboneka mbuli kuti Wa kali makumi osanwe. Ba kati, “To indilili ku myaka ili makumi osanwe yakukomena, nkabela waamba kuti wakabona Abrahamu?”

¹³¹ Wa kati, “Katanakuba Abrahamu, Ndime.” Mwabona? Pele inga caba, mulimo Wakwe, kwayanda waka bamba kuminwa kupati ali Nguwe.

¹³² Ngooyo Mbwa kabede, kakkede kuyaama ku bulambo, elyo mwanakazi oyu wakasika a kubweza muniini. . . Nywebo nomu jisi, kumusanza okuno ku Musanza, guwo lyamvula, nywebo mulizi, a kugoomoka. Kucili zikala ziniini zyakaindi mpoonya awo, a nzila njiyonya. Elyo nkuboneka kuniini, mbuli. Elyo—elyo waa kalekela nongo eyi ya maanzi.

¹³³ We elede kubabona banakazi. Nywebo nobanakazi mwaambaule kujatikizya kweenda kabotu! Nda kaba bona kaba bweza nongo, eyo ibweza kutandila magaloni osanwe, elyo bala bweza a kwitwikka aa mitwe yabo, imwi atala alya. Akubiika yomwe ku kasolo, alimwi imbi ambali, akweenda kabotu, kaba ambauzyanya, a kuta tetya dosi. Kweenda buyo kabotu mbuli mbo kasola kubona.

¹³⁴ Lino Kujwe, mwabona, banakazi babi a banakazi babotu taba konzyi kuba antoomwe. Cili andeene awa, pele—pele taba konzyi awo. Uli makidwe, uli makidwe. Kwa mana. Ikuti na waa kasola kuba a mukaintu uumbi, takacili kusangana a njiyo. Pele okuya. . . Ya kanyongana koonse antoomwe awa lino, tu jana kuti, pele tii yakali njiyo.

¹³⁵ Aboobo ta kakonzya kusika a banakalindu, ba cifumo. Waa kacita kusika kutandila kalangabwaaseme, kuti ajane zyakwe, maanzi.

¹³⁶ Aboobo waa katalika kulosya nongo ya maanzi. Pele kwakali mbuto yakakanzwa mu mwanakazi oyo muniini. Waa kalosya nongo eyo ya maanzi, elyo waa kamvwa Muntu kaamba kuti, “Kondipa cakunywa. Ko Ndi letela akunywa.”

¹³⁷ Waa kanyona a kulanga koonse, waa kabona mu Juda oyu. Elyo oyu mu Juda, ndiza, Muntu wamusela waakatikatikati. Ta ndizi eco cakali mu miyeeyo yakwe kaindi. Aboobo waa kati, “Baa, tacili cilengwa kuli Nduwe, mukuba mu Juda, a kundi lombaa, mwanakazi waku Samariya.” Mwabona, ta kazi mbo—mbo cakabede. Walo buyo. . . ndiza mwaalumi ndiza uli mukuba musongo a nguwe, aboobo wa. . . Kati, “Tacili cilengwa kuli ndinywe noba Juda.”

¹³⁸ Elyo aboobo mubandi waka zumanana. Ino Wa kali kusola kucita nzi? Wa kali kusola kukwelelezya kuswiilila kwakwe. I Taata waka Mu tuma kutala kuya, pele eno Wa kacita kuziba kaambo kutala kuya.

139 Ba kali kulangila Mesiya. Wa kalizibya Mwini aba Juda, lino ngooyu Uli a i—a i—a ba Samaria.

140 Elyo kati, “Tacili cilengwa kuli nduwe ku—ku—ku ndibuzya, mwanakazi waku Samariya, kuli ceeco.”

141 Aboobo Wa kati, “Pele ikuti nolizi kuti Nguni ngo wambawida, nowa Ndi lombaa akunywa. Ndila kupa meenda cakuti tocino booli okuno kuno teka.”

142 Elyo bakaunka kwaambaula zya kukomba. Cigaminina Wa kajana lyakali penzi lyakwe. Toonse tu lizi mbo cakabede, balumi banji loko. Wa kamulanga, kati, “Mwanakazi, koya kalete mulumi wako muboole okuno.”

Waa kati, “Nse jisi mulumi.”

143 Wa kati, “Wa amba bwini, nkambo uli jisi bosanwe, nkabela oyo ngo pona awe lino tali wako.”

144 Amulangilile mwanakazi oyo. Amulange lwandaano akati ka nguwe a kabunga ako. Amu mulangilile mbuli mugame. Amulangilile abo ba Farisi, bakati, “Oyu Muntu ngu Bezebule.” Amu mulange. Kutali nguwe.

145 Waa kanyona, elyo waa kati, “Munene, Nda kuziba kuti Uli musinsimi.” Aah, ngooyo Mumuni, mwabona. Cindi Mwana auma Mbutu, a musyobo mubotu, iyo leta Buumi, masimpe buyo mbuli inyika. Wakauma Mbutu eyo mu moyo wa sibwaamu oyo muniini! Waa kati, “Munene, Nda kuziba kuti Uli musinsimi. Lino, tu lizi cili, twa kali myaanda ya myaka kuzwa ni twa kajisi musinsimi, alimwi tu lizi kuti cindi Mesiya aboola, tu Mu langila, alimwi cindi Mesiya aboola, eci nce cintu Ncayo cita.”

146 Eco nce citondezyo ca Mesiya. Sa tamu boni? Wa kali Mesiya wakali muli Musa. Wa kali Mesiya oyo wakali muli Enoki. Wa kali Mesiya mu bukkalo abumwi. Ngu mbobuca nguwenya, sunu, amuya myaaka. Ngu Kristo ciindi coonse.

147 Kati, “Ndi lizi. Tu lizi kuti cindi Mesiya akuboola, nce ncico Ncayo cita.”

Wa kati, “Ndime Oyo ukanana kuli nduwe.” Oh, ma!

148 Ali ceeco, waa kalosya nongo ya maanzi, kazuzila mu munzi, a kuti, “Amuboole, mubone Muntu Oyo wandaambila eco Nce kacita. Sa oyu tali nguwenya Mesiya?”

149 Elyo bantu ba munzi oyo, kakutakwe kuubona kaucitwa, dolopo lyoonse lyaka Mu syoma. Mbo mbubo. Nkaambonzi? Bube bwakwe bwa Mbwa kabede. Wa kalizibya ku muunzi oyo wa Sukari. Wa kalizibya, Mesiya wa Leza, kwiinda ku ciimo Cakwe, bube bwakali muli Nguwe. Nkaambo, Wa kali—Wa kali Leza wa basinsimi. Wa kali Musinsimi. Wa kali Musinsimi wakayubululwa. Mbwa kabede lyoonse, muciiindi ca bukkalo, mbubonya, alimwi ikuti na Ngu mbobuca nguwenya, sunu, amuya myaaka.

Lino kubinda a kujala.

¹⁵⁰ Twa kaambilwa, muli Zekaria 14:6 a 7, kuti, “Kuyo boola buzuba,” musinsimi wakasinsima, “kuti taba konzyi kwiitwa isikati a masiku.” Mbuzuba busiyasiya, busiyasiya, bwa mudima, “pele ku ciindi caku mangolezya kuyooba Mumuni.” I Bbaibbele Iya kaamba boobo.

Lino amulange, mu kujala.

¹⁵¹ Bupange bwanyika, zuba lilapasuka ku bantu Bakujwe, lutaanzi. Lila pasuka Kujwe a kubbila Kumbo. Lino amu nditobele kabotu. Lusumpuko lweenda antoomwe a zuba. Toonse tu lizi obo, embo na?

¹⁵² Mbubonya Makanimabotu mbwacita. I Makanimabotu akatalika Kujwe. Ca kazwa Kujwe; kulanduka, okuya mu Germany, kulanduka Mediterranean, mu Germany; kuzwa ku Germany, kulanduka English Channel, kunjila mu England; kuzwa awo, kulanduka Atlantic, mu United States, ku Nkomwe ya Kujwe; alimwi lweenda ku Nkomwe ya Kumbo. Lino Kujwe a Kumbo kwaswaangana.

¹⁵³ Elyo zuba ndilyonya eelyo lizwa Kujwe, ndi zuba ndilyonya libbila Kumbo.

¹⁵⁴ Lino amulangilile. I Mwana, S-o-n, wakabuka mbuli Mesiya, ku bantu Bakujwe.

¹⁵⁵ Elyo lino twa kajisi buzuba, kuzwa ku kuunka Kwakwe, kwa tubungwe a kuba antoomwe, a—a zimwi zimbi. Twa kajisi mumuni munji mbuli buzuba busiyasiya cindi zuba lyasiswa ku makumbi. Elyo baka jisi tubungwe. Twa kayaka zibbadela. Twa kayaka zikolo. Twa kayaka tubunga. Twa cita zintu ezi zyoonse mbubonya buyo nzila mbo tweelede kucicita.

¹⁵⁶ Pele Wa kati, “Ku ciindi caku mangolezya kuyooba Mumuni.” Oyo nguwenya Jesu, mu nguzu Zyakwe zyakubuka, uyo buka alubo, mbuli Mbwa kasyomezya muli Malaki 4, mbuli Mbwa kasyomezya mu Musalali Johane 14:12. Mbuli Mbwa kasyomezya muli Luka 17. “Mbuli mbo kwakabede mu mazuba akwa Sodoma, mbubonya mbo kuyooba ku kuboola kwa Mwana wa muntu.”

¹⁵⁷ Amulange eco cakacitika mu mazuba akwa Sodoma. Abrahamu, omwe a cisyomezyo ca mwana uboola, mpaawa twa mujana kunselelo okuya, nkabela tula bona citondezyo eco caka citwa.

¹⁵⁸ Kumusanza okuya mu Sodoma, twa kabona eco cakacitika. Elyo mulizi kuti ta tuna . . . Lino, okuya, Lota wakali cikozyanyo ca mbungano yakunyama, kumusanza mu Sodoma, kabunga, alimwi bajisi mutumwa kunselelo kuya. Kwakali batumwa basyoonto bakaunka kumusanza okuya, Billy Graham a Oral Roberts basyaasunu. Elyo sena mulizi cintu? Ta kunaba ciindi, mu makani aakale aa mbungano, oko muntu nkwa kasola

kutumwa boonse ku mbungano, a zina lyakwe kalimana a h-a-m, mane ciindi eci. Billy G-a-a-h-a-m, tubala tuli cisambomwe. A-b-r-a-h-a-m tubala tuli ciloba. Pele Billy G-r-a-h-a-m uli moonya mu Sodoma, kaumputa akubaita kuzwa.

¹⁵⁹ Pele, amuyeeye, kwakali Umwi ku mbungano ya kumuuya, oyo wakali aanze, Abrahamu wakaitwa kuzwa. Amulangilile musyobo wa citondezyo Nca kapa. Ta kakambauka kunji kwa Makanimabotu, Wa kabaambila buyo eco zisyomezayo nco zyakali muni kuba. . . Elyo Wa kati, “Uli kuli Sarah?” Lino, amuyeeye, waa kali Sarai buzuba kakutanaba obo, alimwi wa kali Abram buzuba kabutanaba obo. Lino Wa kati, “Abraham, A-b-r-a-h-a-m, uli kuli S-a-r-a-h?” kutali S-a-r-r-a. “Uli kuli Sarah, ‘sibwami mukazi,’ mukaintu wako, taata wa masi?”

Kati, “Uli mu tente, kunze Lyako.”

¹⁶⁰ Elyo Wa kati, “Ndiyo muswaya kweendelana ku ciindi ca buumi.”

¹⁶¹ Ii Muntu wakalya nyama ya moombe, kanywa mukupa uuzwa ku ng’ombe, a kulya zibunge zya mapopwe, kanywa mukupa. Ii Muntu, lusuko aa zisani Zyakwe, a kukkala alya a sule Lyakwe kalifutete ku tente. Kati, “Ulukuli Sarah mukaintu wako?”

Kati, “Uli mu tente, kunze Lyako.”

¹⁶² Elyo Sarah wakati, “Mebo, nde mucembele mbuli Mbwe bede, myaka ili mwaanda yakukomena, mbuli mulumi a mukaintu mbuba kamana kwa ciindi cilamfu. . . kuba a musaalo a mwami wangu, a nguwe mudaala, awalo?” I Bbaibbele lyakati “wakacembaala loko,” yakali myaka a myaka. Waa kali myaka ili makumi one ayosanwe yakainda yaku mweezi, na kwiindilila ceeco, ndiza myaka ili makumi osanwe ayosanwe yakainda yaku mweezi. “Elyo mebo ndi jisi misaalo a mulumi wangu, mbuli mwanakazi mukubusyi?” Waa kaseka kuboko kwakwe, nywebo mulizi.

¹⁶³ Elyo, eco, ino inga Muntu oyo, oyo Muntu mu mubili oyo wabuntu, kati, “Nkaambonzi Sarah waseka?”

¹⁶⁴ Ncinzi cakacitika? Abrahamu wakaita Muntu oyo kuti, “Elohimu,” Leza Singuzuzyonse wakaiminina mu muntuni.

¹⁶⁵ Jesu Mwami wesu wakati, “Mbuli mbo kwakabede mu mazuba akwa Lota, mbubonya mbo kuyooba ku Kuboola,” a kulangilila, “cindi Mwana wa muntu ano yubununwa, kuyubununwa,” Luka 17. “Cindi Mwana wa muntu, mu mazuba akumamanino, ano yubununwa. I Mwana wa muntu ano yubununwa, Makani Aakwe mabotu ali muku Mu zibya mbuli mbo kwakabede mu mazuba akwa Lota.”

¹⁶⁶ Amulange nzila mbo bacita lino, masi akapilingana. Oh, ma! Amulange basikoonana mulicabo, a kulanga eco nco tu jisi lino.

I mbungano mbu sofwi. I cisi mbu sofwi, a cintu coonse. Leza uli mukucibbwa, kuzwa aatala, aansu. I cintu coonse mbusofwi.

¹⁶⁷ Bupange bwanyika, alimwi akwalo mu cintu, cilao cili bambidwe. Sa tacili ciindi ca Leza kujokela mu mubili wabuntu, “i Ijwi eelyo lila bosya kwiinda cceba lya mabemba obilo, a sikutweluka wa miyeeyo a makanze aa moyo,” kulibonya aa cilao, ku kubamba Jesu Kristo kuba mbobuca nguwenya, sunu, amuya myaaka! Ndi Ijwi lyaka syomezegwa eelyo lya kabambilwa buzuba buno. Tu pona mu buzuba buno, nkabela Leza mpali ano andiswe, kuyubulula ceeco a kucibamba kuba bwini.

Atu kotamike mitwe yesu.

¹⁶⁸ Taata Wakujulu, Wa kati, “Kuyooba Mumuni ku ciindi caku mangolezya.” Tula Ku bona, Mwami, kwiinda ku zitondezyo zyoonse; masi ali mukumwaika; Israyeli ili mu nyika yayo yakuzyalilwa; mizuzumo yanyika mu masena ansininsini; myoyo ya bantu ili mukuwizuka; mizeezo ipilingene; basibutongo kujatikizya Bwini. “Mbuli Jambre a Janesi mboba kakazya Musa,” Wa kati, “muntu wa mizeezo izangide, kupegwa ku lweeno, ku kusyoma bubeji a kunyonyoonwa kuli mbubo.” Pele Wa kasyomezya, mu buzuba obo, kuti Uyo liyubununa Lwako, Mwana wa muntu uyo yubununwa, Jesu Kristo mbobuca nguwenya, sunu, amuya myaaka, ku bube Bwakwe mbubonya obo bwaka Mu zibya mu bukkalo abumwi.

¹⁶⁹ Akube kuti Walo, sunumasiku, Mwami Leza, Jehova mupati, Elohimu, seluka mu bantu Bako, sunumasiku, Mwami. Boola kunselelo a kuliyubununa Lwako, kuti basyomi bakonzye kusyoma. Kutegwa bantu bamvwiye a kuziba kuti Ucili Leza, alimwi Nduwe mbobuca nguwenya, sunu, amuya myaaka. Elyo mpawo, Mwami, abo bakasalilwa kuponya, a baabo baka salilwa Buumi Butamani, bayo tambikizya a kujata, Mwami, nkambo eci nciindi ca kuswaigwa. Akube kuti citabi cabuyo. Nda lomba mu Zina lya Jesu Kristo. Amen.

¹⁷⁰ Mbangaye basyoma kuti obo mbwini, ayo Makanimabotu? Lino tu pona mu buzuba obo? Eco nce cintu citobela. Ikuti na mbo cibede, Leza ulisinikizidwe ncobeni ku cizibya.

¹⁷¹ Lino ikuti na muyo ndipa kuswiilila kwanu kutaabawidwe. Ndino mukide aniini, Nda mwaambila sunumasiku, ndiza maminiti ali kkumi aosanwe.

¹⁷² Twa vozya makkaadi aa mipailo. . . Ma’A, ma’A. Yaa, atu talike kufwambaana ncobeni. A, mweelwe mutaanzi. Ndiyo mwiita yomwe buyo a ciindi, kutegwa mukonzye kwiima mpoonya awa, ikuti na mula konzya. Ii, mweelwe mutaanzi. Nguni ujisi kkaadi lya mipailo A, mweelwe mutaanzi, tambika janza lyako? Lino ikuti na to konzyi kubuka, Njo. . . bamwi babo bayo boola ku kubweza. Ii, mweelwe mutaanzi, yaa. Lino boola

buyo mbuli mbo itwa, mweelwe wako buyo. Yaa, Ii, mweelwe mutaanzi. Yaa.

173 Mweelwe wabili, sa inga watambika janza lyako? Mweelwe wabili, kkaadi lya mupailo A, mweelwe wabili, tambika janza lyako. Sa inga waboola, mulindu? Lino ikuti na kuli muntuumwi mulema nkabela takonzyi kunyamuka, bamaasha bayo kubweza. Mweelwe wabili.

174 Thrii, tambika buyo janza lyako. Ciyo vuna ciindi, cakufwambaana loko, ikuti na uyo ita...Namba, sa inga watambika janza lyako? Mpoonya awa, omulindu. Namba foo, tambika janza lyako, namba foo. Mupailo...Namba foo, boola. Yaa. Namba faivi, namba faivi. Mpoonya awa, omulindu. Namba sikisi.

175 Huh? Sa inga weenda? Ncibotu. Eco...Na, mutolele cuuno kunselelo okuya. I mulindu uli cisidwe, Ndi yeeya kuti, na ndiza mulumi wakwe, kufumbwa na wakali kkede awo a nguwe. Na cili ii...Mutolele cuuno cakwe okuya, uli...Yaa.

176 Namba seveni. Namba eiti. Namba naini, naini. Nda jana... Inzya, awa, naini, naini. Teeni, namba teeni, kkaadi lya mupailo lya teeni? Ileveni, twelufu, theetini, theetini, footini. Kuselemukila ku mamanino ambi kunselelo okuya, footini. Fifitiini. Yaa, jana—boola nkoonya kusule lyabo.

177 Lino amulindile buyo aniini mane aba njile mu mundando, kubona awo mpo tubede awa aniini buyo. Lino nobamwi kamu nojisi buyo makkadi anu asyoonto.

178 Lino mbangaye mu mbunga eyi abo—bali cisidwe, alimwi taba jisi kkaadi lya mipailo? Tambika maanza ako mbuli *obu*. Yaa. Onse...Ta ndikwe makani awo mpobede. Yaa.

179 Lino amubatame buyo. Lino, amulange, kuciindi noba ndandamika mundando wa mipailo, nyoonse amu ndipe kuswiilila kwanu kutaabawidwe lino. We elede kuswiilila kuli ceeco Nce mwaambila. Mwabona? Amubone.

180 Ciindi cimwi kwakali mwanakazi, Jesu wakali kwiinda mu cisi nkabela Wa kazabuka lwizi, elyo Wa kanjila mu busena nkabela kwakali mwanakazi waka jisi cilwazi cakuzwa bulowa. Elyo bapaizi boonse a mbabo bakali zwide, bakali ku Mu fubaazya, mubwini. Elyo kwakali nkamu okuya yaka Mu syoma. Elyo Wa kali kwiinda mu bbunga. Elyo mwanakazi wakati mukati ka moyo wakwe...

181 Lino amuswiilile kabotu lino. Sa mula swiilila? Amwaambe, “Ameni.” [Mbunga yaamba, “Ameni.”—Mul.] Yaa. Oyu, lino, mwanakazi...Mwabona, ku cintu cili coonse, kabeela kuzwa kuli ceeco nco cita, nywebo mwabona. Muntu oonse uli ii...Nse mubeleki andinywe mbuli ii—mbuli mubili. Ndi langanya mbuli muuya, buntu. Mwabona? Elyo oko kweenda, ujisi mizeezo yako kuya kubusena bumwi bumbi, mwabona, Ndi sola kujata eco.

Amubone lino, kwakali muntu wakalanga ali Paulo, kasyoma cakusinizya; Paulo wakati, “Nda ku ziba kuba a lusyomo lwa kuponesegwa.” Mwabona? Lino amubone.

¹⁸² Oyu mwanakazi, mbuli mbwa kali kwiinda awa, ta kakonzya kusika kuli Nguwe. Bantubonse bakali ku Mu gwambatila, zintuzyonse. Atwa ambe, ku kwaamba buyo—buyo ku kwaamba lino, ta kajisi kkaadi lya mipailo nkabela ta konzya kunjila mu mundando.

¹⁸³ Elyo aboobo, bantubonse, “Kwaamba, Rabi! Kwaamba, sa Uli musinsimi? Tu—tu syoma kuti kuboola musinsimi, pele Nse—Nse na ziba. Mwabona, Nseli masimpe. Njo tandwa kuzwa mu mbungano yangu ikuti na Nda syoma Eco.” Mwabona? Elyo, nywebo mulizi, kaano nkakonya kakaindi okuya.

¹⁸⁴ Aboobo mpawo mwanakazi oyu muniini, waa kacisyoma. Aboobo waa kasobelela ambali, nkabela waa kati, “Ikuti na Nda konzya kuguma moombe wa cikobela Cakwe, Njo ponesege.” Aboobo waa ka Mu guma.

¹⁸⁵ Lino ikuti na umwi wakasola kubona zikobela zyangana Palestine, ujisi cikobela cakunsi, alimwi mpawo cikobela cakunsi cila kwekwela. Lino, ikuti na mwanakazi umwi waguma limwi lya bbaki lya mwaalumi, mucila buyo wa bbaki lyako, mbuli *boobo*, nkabela wakazwa, inga to ciziba mu bbunga mbuli boobo. Mbobuti kujatikizya cikobela eco cipati kacilengelela *oko* kulaale kuzwa kuli Nguwe? Elyo waa kali fugeme ku mazwi akwe a kuguma buyo cikobela Cakwe, a kujoka.

Jesu wakaima. Wa kati, “Nguni wa Ndi guma?”

¹⁸⁶ Elyo amulange eco Petro nca kaamba, lino, a zijaluzyo zyaku Bwami. Mu majwi amwi, atu cibikke mu majwi aa buzuba bwesu, “Baa, Mwami, Wa amba zintu zimwi zibyaabi maningi! Ee, balo bantu bayo yeeya kuti Uli nyongene, kuli cintucimwi cilubide. Bantubonse baka Ku guma.”

¹⁸⁷ Bantubonse bakati, “Kwaamba, Rabi! Kwaamba, sa Nduwe musilisi wa Buleza? Kwaamba boobo. Yebo wati. . . Lindila, Ndi jisi namaumbwe iizwide bantu kutala okuno, ikuti na Uyanda kubusya umwi wesu. Boola, nkabela tuyo Ku syoma ikuti na Uyo cita eco.” Elyo bamwi buyo kuli Nguwe a bamwi balwana, mbuli buyo mbo cibede mu bbunga lyonse, mwabona; a kufubaazya, a bamwi ku Mu syoma.

¹⁸⁸ Elyo Petro wakati, “Baa, bantubonse bali mukuguma Nduwe! Nkaambonzi Nco konzya kwaamba cintu cili boobo?”

¹⁸⁹ Wa kati, “Pele Nda ziba kuti Nda kompama; nguzu zyazwa kuli Ndime,” ezyo ni nsana.

¹⁹⁰ Amulange, Wa kalanga koonse ku bbunga nkabela Wa kajana mwanakazi muniini. Ta kakonzya kucisisa. Mwabona? Waa kajisi Lunyungu olo luledo omuya. O Leza, kotupa Lunyungu olo! Nce ncico nco tu yandikana ndyoonya lino. Wa

kamujana, elyo Wa kamwaambila zya cilwazi cakwe ca bulowa. Kati, “Lusyomo lwakwe lwaka muponya.”

¹⁹¹ Amulange, nywebo mwati, “Kuti, ikuti na Wali waano sunumasiku, inga Nda cita cintu nciconya.” Ikuti na Wa keenda kuselemuka kwiinda mu buyake obu, sunumasiku, ula syoma ikuti na inga wa Mu guma uyo ponesegwa?

¹⁹² Ee, andi mwaambile. Mu Bbuku lya Bahebrayo, cipati 3, caamba kuti, “Uli mpoonya lino Mupaizi Mupati ukonzya kugumwa kwiinda kukulimvwa kwa kulengauka kwesu.” Mbangaye basyoma obo kuba Bwini? Mwabona? Ee, ikuti na Ngu mbobuca nguwenya, sunu, amuya myaaka, mbobuti Mbwa nga wacita sunu? I mbubonya mbuli Mbwa kacita jilo. Sa mbo mbubo?

¹⁹³ Lino toelede kuba atala awa. Ko syoma buyo, alimwi waamba ceeci, “Lino, Mwami, Ndi—Ndi. . . Eci nceenzu coonse, pele muntu ula caamba kuzwa mu Bbaibbele. Ci lizya. . .” Ca kalimvwisya bweenzu mu bukkalo abumwi. Pele amu cilingule, a kubona ikuti na Magwalo. . .

Jesu wakati, “Amulingule Magwalo; Alungulula Ndime.” Mwabona?

¹⁹⁴ Lino amulingule Magwalo. Obo mbwini. Tuli mu mazuba aakumamanino. Bulenge boonse bula tondezya kuti mazuba aakumamanino. I mbungano mu cidyobodyobe cayo, nyoonse muya ku cijailo cipati ca bupaizi cakufwambaana loko, atala awa, nywebo mwabona, sikuvuula buyo mutumbu a boonse bana bakwe basimbi, mbubonya mbuli—mbuli Bbaibbele mbo lyakaamba, kubweza caando ca munyama a kuta ciziba. Mwabona? Oh, sika kuli ceeco kwamana.

¹⁹⁵ Amubone lino, kuciindi Na liko, ikuti na twa konzya kujana Busyu Bwakwe awa. Yebo awo kakutakwe kkadi lya mupailo, wa guma cikobela Cakwe. Walo Mupaizi Mupati. Mbobuti mbo cicita? A lusyomo lwako? Guma cikobela Cakwe a kubona ikuti na Ta vuni a kucita cintu nciconya Nca kacita kaindi. I Bbaibbele lyakati, “Ngu mbobuca nguwenya, sunu, amuya myaaka.” Oko inga kwaba ku lamyana maningi. Sena mula syoma obo? Ncibotu.

¹⁹⁶ Lino, bantubonse, kutabi umwi ukopa koonse lino. Amubatame ncobeni. Mwabona, mweelede kulemeka Muuya Uusalala. Bulemu! Nzila biyo njoya kusola kujana cintu cili coonse kuzwa kuli Leza, nkulemeka Mulumbe Wakwe. Ko Ulemeka. Lino amuswiilile.

¹⁹⁷ Atu bweze buyo, nyoonse noba Methodisti, ba Baptisti, ba Pentekoste, a Katolika, a boonse, kobweza buyo bukombi bwako, kabungwe kako, a ku bubikka awa, ambali, maminiti masyoonto, a kwaamba, “Ikuti na Walo ndi Ijwi, Ijwi ngu sikutweluka wa miyeeyo ili mu moyo. Oyo wakali Mesiya jilo; ngo Nguwe sunu. We elede kuba. Elyo Wa kacisyomezya sunu, lino.”

198 Lino ngooyu mulindu muniini wiimvwi awa. Lino kutabi umwi uputa. Amubatame buyo maningi a kwiima nji. Lino Mebo, ku—ku cipego. . .

199 Lino, cipego tacili buyo cintucimwi nco bweza mbuli ii—ii keembe ka kugonkya, a kuunka kutenda a kutenda. Eco cili lubide. Ii cipego nkuziba nzila ya kuligusya lwako mu nzila. Nkuli pumuzya buyo lwako a kuli gwisya lwako, elyo mpawo Leza waboola mukati a kukubelesya nzila Mbwa yanda. Ii cipego nkuli gusya lwako mu nzila. Mwabona? Kutali cintucimwi nco bikka mu janza lyako, kuunka kuya bubbalika a kujatilila; kuti, oyo tali Leza. Mwabona? I cintu nco tucita nkuli gusya buyo lwako mu nzila, mpawo Muuya Uusalala wanjila a kuunka kuyo cibelesya munzila ili yoonse Nja yanda kucibelesya.

200 Lino weelede kuligusya lwako mu nzila. Takukwe makani eco Leza ncanga wacita okuno, We elede kucicita ali nduwe, awalo. Takukwe makani obo kunjji Mbwa konzya kundi nanika, We elede ku kunanika. Ikuti na Ta citi, “milimo minji yanguzu Ta kakonzya kucita.”

201 Lino Nda syoma Nda bona muntuumwi, mulombe muniini, kalibonya mbuli, kukkala awa mu whiluceya na cintucimwi. Nda kayeeya kuti Nda kabona muntu kusule okuya. Takukwe makani mbo cibede, awo mpobede, lino kosyoma buyo. Ngooyu mwanakazi muniini weelede kukkala awa, kakotama koonse.

202 Lino amuyeeye, Nse konzyi kuponya naba omwe. Takukwe cintu cili boobo mbuli muntu uli oonse kuponesegwa. Ngu Leza. Mbangaye bamvwisya ceeco lino? Kuponesegwa kwa kaulwa kale. Ngwa kubamba kusyoma kuti Busyu Bwakwe buli waano kubamba Ijwi Lyakwe. Lino ikuti na Nda mwaambila Ijwi Lyakwe, kuti Wa kasyomezya kucita ceeci, alimwi nyoonse mula cisyoma; lino ikuti na Wa cicita, eco cila Mu zibya awa.

203 Lino ngooyu mwanakazi wiimvwi awa, mulindu muniini. Walo muniini loko kwiinda Ndime. Elyo nceeci cifoto ca Musalali Johane 4, mwaalumi a mwanakazi baswaangana ciindi citaanzi. Tuli beenzu, Nda yeeyela, mulindu mukubusyi, (embo na?) kuli umwi aumwi. [I mucizi waamba, “Iiyi, munene.”—Mul.] Mbo tubede. Lino Ndi yanda bbunga kulanga. Nse muzi. Nsena mubwene. Mwa kamumvwa ka caamba buyo. Nse muzi. Ta ndizi pe. Mpaawa twa imikila.

204 Lino inga kacisidwe. Inga kali mu ciimo cazyamali. Inga lyaba penzi lya kung’anda. Inga caba ca muntuumwi umbi. Nse—Nse jisi muzeezo muniini. Nse muzi mwanakazi, nsena mubwene.

205 Pele ikuti na Kristo wakaliimvwi awa, kasamide nsuuti eyi, eyo Nja kandipa, lino. . . Elyo ikuti na waamba kuti uli cisidwe, ikuti na inga wati, “Mwami, sa Ula ndiponya?” Baa, inga Wa amba kujokela ncobeni, awalo, Ta konzyi kucita limbi, a

kumwaambila kuti Wa kacicita kale. Mbangaye basyoma boobo? Mwabona? Ta kakonzya kucita . . .

206 Pele Wa kali kukonzya kulizibya Mwini mbuli kuba Mesiya. Inga na kaziba ceeco, nkaambo inga Wa cita ceeco, kuba a bube mbubonya. Lino inga tii caba ndime ikuti na Wa kacita ceeco, nkaambo . . .

207 Lutaanzi, wakali Leza mu Musumpululu wa Mulilo, Leza atala lyesu; mpawo Leza andiswe, muli Kristo; lino Leza muli ndiswe, mwabona, bana ba Leza, mu bwana obo Kristo mbwa kaboola kucita, kunununa bube bwa Leza mbuli Mbwa kacita ku matalikilo.

208 Lino ikuti na Ijwi Lyakwe likkala *omuno*, alimwi Nda kaamba Bwini, nkabela nce ncico, nkabela Ijwi lili omuno, mu moyo wangu, mpawo Leza uyo lizibya Mwini mbuli obo kuba Bwini. Mpawo ncenzi eco nco ceelede kucita ku mbunga eyi? Ncenzi ceelede kucita, cindi wabona Lugwalo mpoonya awa kumbele lyako?

209 Lino, lino Nde elede kwaambaula ku mwanakazi, nkaambo Nda kali kukambauka. Amwaambaule buyo kuli nguwe kwa kaindi kaniini, mane Muuya Uusalala usike, elyo mpawo nyoonse mwatalika kusyoma. Lino, elyo tuyo mubona juunza masiku, lino. Mwabona, eci awa, muli—muli mu inyika imbi, cilao cimbi, yebo buyo . . . to zyi eco cicitika. Yebo, kufumbwa oyo uli ku maikrofooni, koibamba buyo kutanta.

210 Lino Ndi yanda buyo kwaambaula kuli ndinywe mbuli Mwami wesu mbwa kacita ku mwanakazi ku mukalo. Lino, Ndili mwaalumi, alimwi uli mwanakazi, ciindi citaanzi nco twa kaswaana aa nyika. Elyo—elyo lino ikuti . . . Wa kamwaambila, “Ndi yanda kunywa maanzi,” na cintucimwi mbuli ceeco. Mula yeeya kaano? Sena mwakasola kubala eco mu Bbaibbele? Mula cibala? Yaa.

211 Lino ikuti na Mwami Jesu uyo cita cintu nciconya sunumasiku, uyo baanga wandi yubunwida penzi lyako mbolibede, na eco nco kacita, na—na kaambo ncoli waano, na cintucimwi cimbi mbuli ceeco, inga mwa ciziba—ca kacita kuzwa ku nguzu zimwi zigambyakwiinda. Sa inga mwa cisyoma kuba obo Mbwe kamutondezya kuti Lugwalo lwaamba kuti ciyooba? Tula bona mizuzumo yanyika, tula bona inyika mu lupyopyongano olu, tula bona tubungwe nzila mbo tubede, alimwi nciindi ca ceeco kucitika. Embo na? Mula syoma obo? Ee, lino, ikuti na inga Wa lizibya Mwini kuli ceeco, oyo inga weelede kuba Leza. Inga tii ndaba ndime mbuli muntu. Ndili munyoko buyo.

212 Lino, uli Munakristo. Kutali kaambo kakuti waamba kuti, “alumbwe Mwami.” Inga waba silweeno kaimvwi alya, kaamba ceeco. Mwabona? Pele, ikuti na cakali obo, inga Uyo—Uyo—Uyo

ciziba. Mwabona? Pele Ndi mvwa kuti muuya wako ula vwiima. Ngwa bwini. Uli Munakristo.

213 Lino, ikuti na Mwami Jesu uyo ndiyubunwida eco cilubide ku mwanakazi, mbangaye bayo syoma lino a moyo wanu oonse?

214 Lino kondi langa, mucizi, asyoonto buyo. Nceeci Ca boola. Mwabona, lino Ndi buyo. . . Ceelede kuba cilengaano, nywebo mwabona. Ciyo elela ku cibona mu nzila imwi, nkaambo. . . Iiyi, munene. Lino nceeci We. Alumbwe Leza! Nda bweza myuuya yoonse, kungsi awa lino, kungsi lya bweendelezi bwangu, mu Zina lya Jesu Kristo. Amubatame. Amulange awa aniini buyo, mulindu. Kondi langa. Lino nciindi ca Mwami kwaamba cintucimwi na kucita cintucimwi.

215 Ikuti na uli manjezeezya, ikuti na wakasola kubona cifoto eco ca Mumuni oyo, Uli imvwi akati ka ndime a mwanakazi. Elyo uli waano, uciswa bulwazi bwa bulowa. Ngu bulwazi bwashuga. Ikuti na mbo mbubo, tambika janza lyako. Wabona? Lino ino kuti. . .

Umwi inga wati, “Wa ciyeeyela buyo eco.”

216 Langa awa, mulindu mukubusyi. Uli muntu mubotu loko lino. Langa awa. Ula ndisyoma kuba mulanda wa Leza? [I mucizi waamba, “Iiyi, munene.”—Mul.] Ula cita. Nse konzyi kuponya. Elyo Nse zyi eco ca kaambwa kuli nduwe. Kufumbwa mbo cakabede, cakali ca bwini, embo na? Nceeci cintucimwi cimbi. Nda bona ii—ii musimbi. Walo musimbi muniini ngo kombela, oyo ujisi cintucimwi mu kutwi kwakwe. Yalo kutwi kwa kuzuza, sa mbo mbubo? Iiyi, iiyi, mbo mbubo. Kuyooba kabotu. Uyo oba kabotu. Lino koya, ko cisyoma. Koya, ko cisyoma a moyo wako oonse. Kosyoma, mucizi.

217 Lino mula syoma kuti Ngu mbobuca nguwenya, sunu, amuya myaaka? Ikuti na wasyoma buyo, koba buyo a lusyomo. Wabona? Uta zumbauzyi. Mwabona, “Lila tweluka miyeeyo a makanze aa moyo.” Mbangaye bazi kuti Ijwi lilacita ceeco? I Bbaibbele, citondezya kuti wakali kubala Bbaibbele. Lino takukwe makani awo mpobede, syoma lino bunanike.

218 Mbangaye bakabona cifoto eco ca Angelo wa Mwami, eco catolwa awa? Lino oyo Mumuni nguonya tauli tukokola tobilo kuzwa awo Mpe imvwi ndyoonya lino. Mwabona, cili mu cilao cimbi inga tobona. Tu pona biyo muli bosanwe; oyo ngo umwi umbi. Lino amubatame aniini buyo.

219 Lino ngooyu mulindu. Nse muzi. Nsena mubwene. Tuli beenzu kuli umwi aumwi, Nda yeeyela. [I mucizi waamba, “Iiyi.”—Mul.] Elyo eci nciindi cesu citaanzi cakuswaangana, a mwaalumi buyo a mwanakazi. Elyo ikuti na Nda konzya ku kucitila cintu cili coonse, inga Nda—Nda cicita ncobeni, pele Ndi—Ndili muntu buyo.

220 Pele, ku cipego ca Leza, Ndi yanda kuzibya, Ndi yanda Jesu kulizibya Mwini ku Ijwi eelyo Nde kazwaa kukambauka, kutondezya kuti eli nde oora; i Ijwi lya kabambilwa oora eli, kuti twa kaindilila zyuuno zyatubungwe, tu tandila kuya ku Kukwempwa. Kusola buyo kubamba bantu lusyomo, lwa kusyoma. Mwabona?

221 Mbubonya mbuli mu i—i mapiramidi, mwabona, bbwe lyakumpela lyata kasika atala. Aa mali yanu ya dollar, ili lijisi. Mwabona? Lino oyo mulimo ujisi bbwe lyabweendelezi. Awo mpo cakabede kaindi awa muli ba Lutherani, Wesley, a mucindi cacatobela, cili buyo. . . Kutali njiisyo ya piramidi lino, mwabona. Ndi tondezya buyo eci ku bupanduluzi. Eelyo bbwe lyakumpela lyelede kulondoka loko mbuli amwi, kusikila lya njila kabotu ncobeni muli njiyo. I mulimo wa Kristo uyooba mu Mbungano Yakwe, mbubonya buyo mbuli Nguwe mu Muuya, cindi Aku boola kutola Mbungano, kuzo nununa cintu coonse, mpawo kuya kujulu.

222 Sena mula syoma obo? [I mucizi waamba, “Iyi, Nda cita.”—Mul.] Nda amba buyo eco nkaambo Nda pumuzya anini. Mwabona, zyalo, zilangaano zilasyupa. Oyo mwanakazi omwe waka guma cikobela Cakwe, nkabela Wa kati, “Nda mvwa budotu. . .” Elyo oyo wakali Mwana wa Leza. Ino kujatikizya ndime, sizibi wakafu- . . . Mwabona? Mula mvwisya na? [“Iyi.”] Uh-huh. Lino ikuti na Mwami Jesu uyo ndiyubunwida mapenzi ako, sa uyo. . . ?

223 Lino uta yoowi. Eco taciko kunyonganya. Yebo ujisi kulimvwa kweenzu ncobeni, yebo wabona. Nce cindi oyo Mumuni niwa kakkalikila ali nduwe. Lino ikuti eco, kutegwa bantu bakazibe, tambika janza lyako. Aboobo yebo. . . Kulimvwa kwini, kubotu nconzyo, wabona, wabona, kwa kuvumpa buya. Lino tokonzya kusisa buumi bwako pee.

224 Uciswa cilwazi ca zipulo zya mpemo. Elyo mbo mbubo. Ujisi muntuumwi ku moyo wako, ngo kombela. [I mucizi waamba, “Iyi.”—Mul.] Ncibotu, munene, oyo mulumi wako. Alimwi oyo mulimi ujisi penzi mu meso akwe, lya kaletwa abulwazi bwa suga. Elyo mbo mbubo ncobeni. Mwabona? Yaa. Lino, lino syoma a moyo wako onse, nyobilo lwanu. Mula syoma? Ncibotu, munene. Mpawo, kweendelana ku lusyomo lwako, akube kuli nduwe, mucizi wangu. Mwami aku longezye. Koba a lusyomo. Uta zumbauzyi. Kosyoma a moyo wako onse.

225 Lino tuli beenzu, aswebo, kuli umwi aumwi. Sena ula syoma eco. . . ? Lino, nkeimvwi mu busyu bwa muntu inga nse kubamba kulimvwa mbuli boobo. Mwabona? Nywebo mulizi kuti ncintucimwi kunze lyangu. Ndili buyo mbuli. . . Mbuli buyo desiki eelyo okuya, ndi desiki buyo. Elyo Ndili muntu buyo. Pele ula syoma kuti uli mu Busyu Bwakwe, kutali bwangu; Busyu Bwakwe? [I mucizi waamba, “Iyi.”—Mul.] Ndaku lumba.

Mwabona? Mula syoma ncobeni eco, anywebo. Elyo mweelede ku cisyoma, nkaambo Nda bona cimvule, mwabona. Lino mweelede kusyoma.

²²⁶ Lino uciswa mapenzi amukati, maogani mukati. Wa kajisi kupandulwa. Mbo mbubo. Kapandulwa, alimwi tacili cibotu. Ci penzegwa. Mbo mbubo ncobeni. Mpawo uba kuciswa mutwe maningi awa uukupenzya. Lino ulizi kuti cintucimwi ceelede kuziba zintu ezyo, embo na? Ula syoma lino inga wa citambula? Mula cisyoma na? Ncibotu, koya uka citambule mpawo, mu Zina Iya Mwami Jesu. Ameni.

Nyoonse lino amukombe.

²²⁷ Sena ula syoma kuti Leza inga wandi yubunwida cintu nco yanda? Sa inga wa cisyoma mpawo, kuti inga caba, cikoto eco ku lubazu lwako inga caunka? Ncibotu, mpawo koya kacisyome, elyo mpawo ciyo—ciyo cicitu.

²²⁸ Ndi lizi uli kompeme. Nse yandi ku mujata kwa ciindi cilamfu kwiinda Mbwe konzya kugwasya. Ula ndisyoma kuba mulanda wa Leza? [I mucizi waamba, “Iiyi.”—Mul.] Ula cita. Ndili mweenzu kuli nduwe. [“Iiyi.”] Elyo ta tuzibene umwi aumwi. Ikuti na Nda konzya ku kugwasya, inga Nda cicitu ncobeni, mulindu. Inga—Inga ndeenda, kuyavula, kutontela kkota a mpemo yangu kwiinda mu tugwagwa twa dolopo, ku mugwasya, nkaambo uli—uli mukubusyi, alimwi uvunikilidwe cimvule.

²²⁹ Nda mvwisywa lino, Ne kamana kukanana kuli ndinywe a kwaamba kuti, mulizi eco cilubide. Aboobo ulizi kuti weelede kufwa mpoonya awo ikuti na cintucimwi tii cacitwa kuli nduwe. Ujisi kunyongan kwa bukaintu, kuli mu bukaintu bwako, walo ngu malinginiti. Ndi kkulenge. Elyo weelede kufwa cakufwambaana ikuti na Leza taku gwasyi. [I mucizi waamba, “Mweezi omwe umbi. . . ? . . .”—Mul.] Mbo mbubo. Ula syoma kuti Uyo kuponya? [“Iiyi, Nda cita.”] Langa, mucizi, obo—obo mbo bulangizi bwako bulikke. Ko cisyoma ndyoonya lino, a moyo wako oonse, a kuponena Bwami bwa Leza.

²³⁰ Nda bikka maanza angu aa mulindu muniini, mu Zina Iya Jesu Kristo, aku tapatila dyabulosi oyo utola buumi bwakwe. Akube kuti amu siye, alimwi akube kuti musimbi oyu aka apone, nkambo ka Bwami. Ameni.

²³¹ Leza aku longezye, mucizi. Ko cisyoma lino a moyo wako oonse. Kosyoma a moyo wako oonse.

²³² Cimbi, cimvule. Ula syoma kuti Leza inga wa muponya a kucibamba kuba kabotu, ku cigwisywa kuzwa kuli nduwe? Kajisi kulimvwa kweenzu ncobeni cindi eco nica ka mamelwa, embo na? [I mucizi waamba, “Iiyi.”—Mul.] Ca musiya ncobeni, ncobeni mpoonya awo. Mbo mbubo. Lino ko cisyoma, a moyo wako oonse, nkabela ciyo tantamuka kuzwa kuli nduwe. Koya, kosyoma. Leza aku longezye. Ncibotu.

233 Kondi langa, mucizi. Uyanda kuunka kuyoolya cilalilo cako a kulimvwa kabotu kujatikizya ncico alubo? Kozumanana buyo. Eco maausa ciyo kuleka, nkabela uyo ponesegwa alubo. Yaa.

234 Langa nzila eyi, omulindu. Ino uyoowa nzi? Yebo ujisi bulwazi bwa kulibilika. Cali kukupenzya kwa ciindi cilamfu. Ula syoma kuti Leza inga waponya oko kulibilika a kubamba . . . Peseenti ili makumi ali fuka ya bbuga eli ili mukweena a cintu nciconya ndyoonya lino. Elyo mbo mbubo ncobeni. Mwabona? Mu yanda busena bwa kubikka tende lyanu lyoonse. Yebo, boonse ba kwaambila, “Ko swena kuli lwako, a kusyoma *eci, eco*.” Pele weelede kuba a busena bwa kutalikila. Uli ali ncico ndyoonya lino. Ko cisyoma, sa ulacita? I Ijwi lya Leza lyaamba kuti uli angulukide. Ula cisyoma na? [I mucizi waamba, “Ameni.”—Mul.] Ncibotu, koya ukaanguluke ku cintu eco. Ncibotu. Leza aku longezye, mucizi.

235 Kosyoma Leza inga waponya kuba anyota a ku kubamba kuba kabotu? [I mukwesu waamba, “Iiyi.”] Elyo ula cita? Kozumanana buyo kweenda, kwaamba, “Ndaku Lumba, Mwami Jesu. Njo unka a ku cisyoma a moyo wangu oonse.”

236 Kulibilika, penzi lya balindu, alimwi ujisi kunyongana kwa bukaintu. Sena ula syoma kuti Leza inga . . . Elyo penzi lya mwida, alyalo. Sena ula syoma kuti Leza inga wakubamba kuba kabotu? Kozumanana mu lweendo lwako, kosekelela, koamba, “Ndaku Lumba, Mwami.”

237 Kondi langa, munene. Uli muntu muyumu singuzu, pele nsinga zili kompeme anguzu. Ula syoma kuti ciyo manisigwa sunumasiku? Koya, utambule mu Zina lya Mwami Jesu. Ko cisyoma a moyo wako oonse. Iiyi.

238 Boola, mucizi. Langa nzila eyi. Iiyi, Nda kubona kusola kunyamuka, mulema ku lubazu lwa bulo. Ujisi coondamazwi. Ula syoma kuti Leza uyo kubamba kuba kabotu? Kozumanana buyo, ko cisyoma, a kwaamba, “Jesu Kristo wa ndibamba kuba kabotu,” a ku cisyoma a moyo wako oonse.

239 Mucizi wangu, sena ula syoma kuti Leza inga waponya dayabbetisi eelyo a ku kubamba kuba kabotu, ayabo? Ncibotu. Kozumanana mu lweendo lwako, kwaamba, “Ndaku Lumba, Mwami Jesu.”

240 Boola, mulindu. Walo uyanda ku kubamba kusyoma kuti uyo swekelwa mizeezo yako. Wa kali kumwaambila obo, pele walo mubeji. Uli angulukide lino. Koya ku muunzi a kutangala, Jesu Kristo wakwaangulula.

241 Kosyoma Leza inga waponya penzi eelyo lya mwida, ku kubamba kuba kabotu? Kozumanana mu lweendo lwako, kosekelela, koamba, “Ndaku Lumba, Mwami Jesu.”

242 Boola, mulindu. Lino cintu nciconya. Uta balekeli ku kwaambila ceeco. Nciimo cakulibilika. Ula syoma kuti Leza

uyo kubamba kuba kabotu, sunumasiku? Mbulangizi bwako bulikke bwa kucicita. Kutalika mu lweendo lwako, kasekelela, kakkomene, a kumwetamweta, a kuba mbuli mbo kabede. Mwabona?

²⁴³ Ula syoma a myoyo yanu yoonse? Mbangaye basyoma lino a myoyo yanu yoonse, “Nda syoma”? Nda syoma Jesu ulafutula, alimwi Bulowa Bwakwe bulasanzya kutuba loko kwiinda caanda. Mula cisyoma!

²⁴⁴ Ino kujatikizya ndinywe mu bbuga, sena mula cisyoma? [Mbuga yaamba, “Ameni.”—Mul.] Ko komba lino, koamba, “Mwami Jesu muntu tawo kuzwa kuli ndime.” Bamwi banu kusule awa abusena bumwi, ncibotu, amukombe a kucisyoma.

²⁴⁵ Oyu mwaalumi ukkede nkoonya kusule awa, penzi lya mululwe. Ula syoma na kuti Leza uyo ponya mululwe a kukubamba kuba kabotu? Yebo, ncibotu, lusyomo lwako, wa guma Cintucimwi. Nse muzi, pele wa guma Cintucimwi. Mwabona?

²⁴⁶ Oyo mulindu kasekelela, muni lyako awo. Sena ula syoma kuti Leza uyo ponya coondamazwi muli nduwe, mulindu, a ku kubamba kuba kabotu? Ula cisyoma? Ncibotu, inga watambika. . . Inga watambula lyako.

²⁴⁷ I umwi ukkede moonya muni lyako, ujisi penzi ku liso lyako. Sena ula syoma kuti Leza uyo ponya penzi eelyo lya meso a ku kubamba kuba kabotu? Ncibotu, ikuti na ula cisyoma, inga wa citambula, ayebo.

²⁴⁸ Umwi ukkede moonya muni lyako, ujisi penzi ku milomo. Sena ula syoma kuti Leza uyo ponya cikoto eco ku milomo yako aku kubamba kuba kabotu? Inga waba a yako, ayebo.


²⁴⁹ Nda muzundikizya ku cisyoma. Ameni. Koba a lusyomo muli Leza! Uta zumbauzyi. Kosyoma buyo! Koba a lusyomo!

²⁵⁰ Ii mulindu ukkede awa, ulangide kusule okuya cakusyomeka loko, ukkede alya uciswa penzi lya moyo. Ula syoma kuti Leza uyo ponya penzi lya moyo, aku kubamba kuba kabotu, mulindu? Ikuti na wacita, inga watambula eco nco lomba. Inzya.

²⁵¹ Lino yebo no bikka katambala kako ku busyu bwako, ujisi penzi ku nsingo yako alimwi a musana wako. Ca kaletwa kuzwa ku ntenda ya mootokala. Wa kaumwa mu mootokala, nkabela wacisa nsingo yako a kusule. Sena ula syoma kuti uyooba kabotu? Inga watambula eco nco lomba.

²⁵² Ino kujatikizya *omuno*, muntuumwi omuno uyanda kusyoma? Ngooyo mulindu ukkede ali ndime, ula libilika kapati, ukkede mpoonya alya kandi langide. Oyo mwana wakwe ukkede muni lyakwe, oyo ujisi penzi lya moyo. Sena ula syoma kuti Leza uyo ponya bobilo banu. Ula cita, tambika maanza ako, kwaamba, “Nda citambula.” Mpawo inga waponesegwa, mu Zina lya Jesu Kristo.

²⁵³ Bube bwa Leza bula lizibya Mwini. Sena mula syoma kuti Mpali ano? Mbangaye basyomi? Amu bikke maanza ali umwi aumwi, mpawo. Amu bikke maanza anu ali umwi aumwi. Amubikke maanza ali umwi aumwi, mpawo.

²⁵⁴ Taata wesu Wakujulu, mu Zina lya Jesu Kristo, akube kuti dyabulosi azwe mu bbunga eli, alimwi akube kuti asowe mu mudima waanze. 

64-0401 Kristo Iwakalizibya Mu Makkalo Oonse
4-H Club Barn
Louisville, Mississippi U.S.A.

CHITONGA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org